

391.85
0-30

19 NOV 2010

891.85-3
n-37



891.85

0-30

ՄՐ

191

ՀԱՅԱՍՏԱՆ-ՕՐԵԴԿԵԿՈ



ԳԻՒՂԱԿԱՆ ՓԱՍՏԱԲԱՆԸ

1002
16341

ՊՈՌՈՎԵՐԵՆԵՑ
ՅՈՎՀ. ՄԵԴՆԻԿԵԱՆ



ՊԵՏԵՐԲՈՒՐԳ

Տպարան Յ. Ի. Լիսերունի

1896

ԳԻՒՂԱԿԱՆ ՓԱՍՏԱԲԱՆՆ

Ա.

Գարնանային երեկոյ էր: Տերկուած դաշտերը
շնչում էին գութանով նոր շուռ տուած հողի բուր-
մունքով: Երկինքը մռայլու էր. օդը մառախլապատ:
Ծառատունկ ճանապարհով անցնում էր մի ստա-
րորիկ կին, որի բորիկ ոտքերի տակից շթի էր տա-
լիս գարնանային ցեխը: Նա գնում էր ծանրաքայլ
և ոտքերը, ինչպէս երևում էր, ծանօթ էին այն
գետնին, որի վրայով քայլում էր: Նրա համար
միեւնոյնն էր թէ ի՞նչ կար իւր շուրջը և ինչ էր
գնում ինքը, միայն թէ հասնէր մտքում դրած
նպատակին: Նա ոչնչեց չէր վախենում. ոչ մժից, ոչ
երեկոյեան լուռթիւնից, ոչ տանձենիներից ու սոսի-
ներից, որոնք ուրուականների պէս սեին էին տա-
լիս ճանապարհի վրա... Նա հանդարտ գնում էր
իրեն համար...

Ճանապարհի վլխին նա նկատեց երկու փայլուն
կետեր. դրանք երեսի մօտակայ ագարակի շինու-
թիւնների պատուհաններիցն էին: Անասունների

Дозволено цензурою, С.-Петербургъ, 2 Ноября 1895 г.

բակի և պարտէզի մէջ տեղ արդէն երեսում էր վանդակապատ դուռը. գա բացւում էր մի կողմի վրա, ինչպէս սովորաբար լինում են այդպիսի բակերի դոները:

Հէնց այդ րոպէին դուռը ձռնուաց և ուղղաձիգ ծայրով խրուեց ցեսի մէջ, այնպէս որ դուրս եկողը պէտք է մի ծայրը բարձրացնէր, որ կարողանար բաց անել:

Սակայն, ինչպէս երեսում էր, դուռը ծանր էր, որովհետեւ լսում էր նրա ուժզին ձռնոցը և մի տղամարդու հայհրյանք.

— Այ, սատանի բաժին լինե՞ս դու...

Մի մարդ՝ ծանր բեռը ուսին, ինչպէս լինի դուրս եկաւ գուան նեղ բացուածքից և դիմեց դէպի մօտեցող կինը:

— Խրիստինա՞... այդ գո՞ւ ես.

— Ես եմ. պատասխանեց կինը կանդ առնելով.

— Այդ ուր այդպէս դիշերով:

— Կառավարչի մօտ...

Խօսակիցները կանգնած էին ճանապարհի երկու հակառակ կողմերում:

— Այդ քո բաժի՞նդ է, — հարցրեց Խրիստինան, զլնով ցցց տալով նրա կռացած ուսի պարկը:

— Այ՞ո... բաժինս է... մի չետքերիկ հաճար է և մէկ էլ անցած ամսուանից աւելացածը... հաճարն էլ խառն է տուել... Սատուած առնէ նրա հոգին.

— Այդ ով է տուել չինի՞ Վիշինսկու կինը...

— Ի հարկէ նա, անտաստուածը... եթէ Վիշին-

սկին լինէր, չո դարմանախառն չէր լինի... կինը վազեց՝ փչացածը, տուր—ասումէ—տոպրակդ. վերցրեց ու ածեց կէսը հաճար, կէսն էլ դարման... Տէ՛ր Աստուած, Դու տաս նրան այս դարմանի չափով հիւանդութիւն:

Որքան գիւղացին շարունակում էր խօսել, Խրիստինան այնքան աւելի էր մօտենում նրան և դիտում դէմքը...

— Ա՞յս, Վան'կա Վան'կա,—արտասանեց նա—որ նա զիշեր ցերեկ էլ անդադար դարման ածելու լինէր քո տոպրակդ, էլի այնքան չէր ածի, որքան ես նրա պատճառով արտասուք եմ թափել աչքերիցս... Նրա պատճառով ես աչքերիս լոյսը կըտրել եմ շատ արտասուելուց իմ և որդիներիս համար, աղօթել եմ Աստուծուն դիշեր-ցերեկ, որ պատժէ նրան ինձ հասցրած զրկանքի փոխարէն. չպատժեց... Նա յաղթանակում է և ծաղրում ինձ...

Խրիստինան կանգնած էր իվանի դիմաց, որը մի տեսակ զպուանքով շարժում էր գլուխը...

— Էլ ուր ես զլուխդ կոխում այնտեղ.—ասաց նա, փոխելով բեռը մի ուսից միւսը,—տեսնել ես ուղում, ի՞նչ է, մի բան, որ երիտասարդ ժամանակը դուրս է արել քեզ էլ հիմա ուր ես գնում... աւելի լաւ կինէր, որ տեղիցդ շարժուէիր և խրձիթիգ վառարանի վրա այժմ քնած լինէիր...

— Ճիշտ է, դուրս է արել, դրան խօսք չունեմ; — ասաց նա, ձեռքը դնելով ծնոտին, — բայց ինչի՞ էր այն ժամանակ նա դուրս անում և այն ինամախօսներին, որոնք դալիս էին ինձ նշանելու... եթէ

չէր սիրում, թող խնամախօսներին էլ դուրս չ'անէր:
Այդ խօսքերը նա արտասանեց վերաւորուած
ձայնով:

—Նա ինքն էր հօ ասողը,—շարունակում էր
Խրիստինան,—սպասիր Խրիստինա, հէնց որ կա-
ռավարիչ գառնամ, խսդյն կ'ամուսնամ քեզ
հետ... էլ ինչի՞ էր ասում այդ խօսքերը... և ահա
մինչեւ հիմա էլ ես կարօտ մնացի թագն ու պսակի...

Իվանը անհամբերութեամբ փոխեց բեռը միւս
ուսը:

—Դէ՛, արի՛ հիմա, բան գտաւ իրեն համար,
ջահելութիւնն է յիշում... համարեա ակամայից
արտասանեց նա:

—Ոչ ոք չ'օգնեց ինձ խղճուկիս, մենակ եմ
կառավարել տունս,—շարունակում էր նա,—ոչ ոք
իմ երեխաներիս չպահեց, չխղճաց նրանց... մենակ
եմ ապրել մենակ աշխատել, մենակ եմ տարել իմ
վեշտս, ձեռքերիս կաշին մաշկել եմ, ոտարորիկ եմ
ման եկել գիշերները անքուն եմ անցրել... և այդ
բոլորը զաւակներիս համար:

Դէ՛հ, բաց արեց խօսքի տոպրակը—մըթմըր-
թաց իվանը, ամենից լաւ կլինէր, որ դու տուն
դառնայիր...

—Զեմ կարող վերադառնալ, չեմ; ես պէտքէ
գնամ վիշինսկու մօտ, ոտքերը ընկնեմ, որ ազա-
տէ իմ ֆիլիպիս:

—Աա.. բացականչեց իվանը, միայն հիմա կար-
ծես հասկանալով, թէ ինչի՞ է նա գնում տնտեսի մօտ.

—Նա ինձնից խելօք է, կարելի է կխղճայ իւր

զաւակին, գուցէ մի բան խորհուրդ կտայ, կ'օգնէ,
կփրկէ...

—Դէ՛հ, դէ՛հ, գնա Տէր ընդ քեզ:

—Մնաս բարով:

Եւ նրանք բաժանուեցին: Ամեն մէկը գնաց
իւր ձանապարհը: Բայց, ինչպէս երեսում է, նրանք
իրարու մօտ էին ապրում, որովհետեւ իվանը, մի
քանի քայլ գնալուց յետոյ, դարձաւ և հարցրեց.

—Շնուտ ես դառնալու տուն.

—Իսկըն,—պատասխանեց Խրիստինան... գի-
շերը հօ այնտեղ չեմ քնելու...

Խրիստինան իվանի անցած կիսաբաց դուն
արանքով մտաւ ազարակի մութ ու աղտոտ բակը:
Դրա մէջտեղում երեսում էին մի քանի ծառեր և
թփեր, որոնց վըա ընկնում էր փոքրիկ տան եր-
կու պատուհանների լսոր.

Խրիստինան թագնուեց ծառերից մէկի ստուե-
րի տակ: Մի փոքրից պատշգամբ դուրս եկաւ մի
զլաբաց, միջահասակ մարդ: Դանդաղ զքայլերով
իջնելով պատշգամբից՝ նա անցաւ փոքր ինչ առաջ:
Այդ միջոցին թփերի խորքից մի կանացի ձայն
տուեց նրա անունը:

Վիշինսկին բարացած մնաց տեղը. լարուած
ուշադրութեամբ նա նայում էր դէպի խաւարը.
Խրիստինան յառաջ եկաւ: Նրա բոքիկ ոտքերը կո-
րած էին ցեսի մէջ, իսկ բարակ ու բարձր իրա-
նը և շալով փաթաթուած զլուխը այնքան խո-
նարհուեցան զլուխս տալու ժամանակ, որ անկա-
րելի էր դէմքը տեսնել: Բայց, ինչպէս երեսում էր,

կառավարչին լաւ ծանօթ էր այդ տեսիլը, որովհետեւ նա խուլ ձայնով շնչաց.

— Ելի եկել է... մի անցիր լուսի առաջ... մտի՛ր, մտի՛ր թփերի մէջ և այնպէս ասա, ի՞նչ ես ուղում... եթէ ոչ կանայք կտեսնեն և այն ժամանակ երկուսս էլ ձեռքներից չենք պրծնի...

Գեղջկուհին թագնուեցաւ թփերի մէջ, որտեղից շուտով լսուեց նրա խուլ շնչիւնը.

— Թանկագի՞նս... սիրելիս... հարազատս... խրդանձ ինձ թշուառ որբիս, օգնի՛ր, ազատի՛ր... Ֆիլիպիս...

Վիշինսկին շուտ-շուտ նայում էր իւր շուրջը և դիտում տան պատուհանները: Լսելով իրեն ծանօթ ձայնը, նա վայր թողեց թաշկինակը բռնած ձեռքը, որով սրբում էր երեսը. հառաչեց և հանդարտ հարցրեց.

— Ուրեմն, վերցրի՞ն զինուոր... հա՛, ասենք գու սրանից երեք ամիս առաջ արդէն ասում էիր ինձ... դէ՛ ի՞նչ անենք, տարան-տարան... նրա պէսներն են զինուոր զնացողները... իշխաններն ու կոմսերն են ծառայում թագաւորին, նա որ ծառայի, ի՞նչ կլինի... ես ոչինչ չեմ կարող խորհուրդ տալ... զուր տեղը միայն ինձ էլ, քեզ էլ անհանդիստ ես անում. ցեխերում թրե գալն ինչ է, լաւ կ'անէիր, որ տանդ նստէիր... է՛, ապրուստդ ո՞նց է... հը՞, ի՞նչպէս է, վան'կին հօ Մատվէից լաւ է. ինքդ էլ հօ տեսնում ես, որ ես քո բարին եմ ցանկանում... հէնց որ իմացայ, թէ Մատվէյը նեղացնումէ ձեզ, իսկոյն իվանին ուղարկեցի նրա տեղը և քեզ հա-

մար Հիմա երեխ լաւ կլինի... չացդ բաւականանում է... թէպէտ Անտօնը վան'կից փոքր է և նրանից աւելի թշլ բայց բաժինը նրա հաւասար է ստանում:

Սյդ ասելով, վիշինսկին սրբեց թաշկինակով երեսն ու ծակատը: Խրիստինան առանց ձայն հանելու լսեց նրա խօսքերը, բայց փոխանակ պատասխանելու նրա վերջին հարցերին, դարձեալ իւրը շարունակեց.

— Գիտեմ, որ մէնակ նրա պէսները չեն զինուոր զնացողները և թագաւորին ծառայողները... նրանք հէնց գրա համար էլ ծնւում են, որ ծառայեն... ես արդէն այնքան լաց եմ եղել որ արտասուրներս էլ կարուել են... ես ինքս էլ մտածում եմ... նա այնպէս փոքրիկ, պիտանի, խելօք և բացի այդ զրագիտ տղայ է... նրան Աստուած էլ աչքից չեմ զցի, մարդիկ էլ կսիրեն...

— Դէ՛ հ, ուրեմն էլ ի՞նչ ես ուղում,—անհամբերութեամբ հարցրեց վիշինսկին:

Թփերի մթնում լսելի եղան հեկեկանք և ձեռքերի շրխկոց. դա Խրիստինան էր, որ յուսահատութեամբ կոտրատում էր ձեռքերը:

— Ախ, իմ թանկագինս, սիրելիս... բայց ախր նրան աշխարհի ծայրն են ուղարկում... նա գրում է ինձ.—անզին մայրիկս, ես չեմ կարողանայ գիմանալ ձանապարհի հեռաւորութեան, այնտեղից ցրտին և օտար մարդկանց... եթէ ինձ այստեղ թողնէին, գոնէ երբեմն կարող կլինէի համբուրել ձերացած աշխիներդ... բայց երեխ ինձ վեճա-

կուած չէ այլ ևս տեսնել քեզ... երեի իմ ճակատիս դրած է օտարութեան մէջ մեռնել... արի՝ գոնէ մի անգամ ևս, որ հրաժեշտ տանք իրար... ես գնացի քաղաք... արտասուբից աչք չէի կարողանում բաց անել բայց գնացի և մտայ զօրանոցը. «Ֆիլիպիկա» կանչեցի ես... նա դուրս վազեց սանդուխը-ների վրա... ընկաւ իմ ոտքերս և սկսեց համբու-րել... մայրիկա, ասում էր նա, ողողուելով արտա-սուբիզ, — ես քեզ վերջին անգամն եմ տեսնում այս աշխարհում...

— Ի՞նչ է յիմար յիմար դուրս տալիս... մըթ-մըթաց Վիշինսկին, մենակ նա չէ հեռաւոր երկր-ներ գնացողը... բոլորը գնում էլ են, վերադառ-նում էլ...

— Վայ իմ թշուառ վիճակիս... հառաջում էր Խրիստինան. յայտնի բան է գնում են, բայց նրա նման թոյլերը հօ չեն գնում... ծնուած օրից նա գունատ է եղել ու հիւանդու... յետոյ էլ ջերմն ու տենողը սկսուեց:

— Դէ, որ այդպէս է, էլ ինչ Ֆիլիպին տուեցիր... թող Անտոնին տալիր, նա աւելի առողջ է և ուժեղ...

— Միթէ ես էի տուողը... իրենք տարան. կան-չեցին — նա էլ գնաց... նա մեծն է... Յովսէփինե-րի տօնին քսանմէկերորդը լրանում է... Այդ բո-լորը ոչինչ էր, միայն թէ առողջ լինէր... բայց ախր նա բոլորովին հիւանդ է, նիշար, թոյլ... դուք էլ սկսեցիք սովորեցնել նրան ու չեր-ջացրիք... մոռացաք խեղձ երեխային... դուր տե-

ղը փչացրիք, ոչ բանուոր գարձրիք, ոչ էլ տէր-տէր:

— Դէ՛հ, այս էլ քեզ... այդ ի՞նչ նախատինք-ներ են... պատասխանեց Վիշինսկին նեղացած — գոհ եղիք, որ առողջ որդուդ քեզ համար են թողել հիւանդին են տարել... էլ ի՞նչ ես ուզում... ես ոչինչ չեմ կարող անել... գնա բանիդ և այլ ևս ամեն բոպէ չգաս մօտա... եթէ ոչ կբարկանամ և քեզ էլ որդուդ էլ դուրս կ'անեմ կալուածքիցս...

Եւ նա շարժուեց գնալու. բայց այդ բոպէին մըութեան միջից դուրս պրծան երկու ձեռքեր և բոնեցին նրան, իսկ կարմիր շալով փաթաթուած զլուխը խոնարհուեց նրա ձեռքի վրա.

— Սիրելե՛ս, անգինս... մըմնջում էր Խրիստի-նան, համբոյըներով ծածկելով նրա ձեռքը... զիտաինձ... դու մեր խեղձերից բոլորից խելօք ես... խոր-հուրդ տո՛ւր, ուր գնամ, ում խնդրեմ, որ որդուս այստեղ թողնեն... ախ, եթէ դու ինքդ գնայի՛ր քաղաք... դու ծանօթներ շատ ունես... նրանք քեզ կլսեն, կհետեւն... նա հօ քո հարազատ որ-դին է, քո արիւնդ. քեզ համար ես իմ ամբողջ կեանքս դժբաղղացրի... թագնուապսակի կարօտ մնացի... ոչ ոք չօգնեց ինձ տունս կառավարելու, ոչ ոք չնղնաց ինձ թշուառիս...

Խրիստինան յանկարծ ընդհատեց իւր խօսքը. զլուխը բարձրացրեց և առեց Վիշինսկու վրա իւր թաց, ու աչքերը.

— Լսիր Ստեփան... աւելացրեց նա, փայլատա-կելով աչքերը, — ես չէի նեղանում քեզանից. երբէք

չեմ անիծել և չեմ էլ անիծելու... ևս սիրել եմքեզ
աչքիս լյսի պէս... դէ՛հ, ողօրմած եղիր և օդնիր
ինձ ֆիլիպիս ազատելու գործում...

Վատ դրութեան մէջ ընկաւ վիշնսկին. նա
չզիտէր, ի՞նչ անէր և, մի ոտքից միւսը փոխուե-
լով խռխռում էր ու մրժմրժում:

— Դէ՛, լաւ, լաւ... բաւական է... մի կերպ
կյաջողեցնեմ... տեսնենք. խորհրդակցեմ մէկի հետ,
դուցէ...

Այդ րոպէին լսուեց մօտեցող կառքի խուլ
դղրդիւնը: Վիշնսկին դողդողաց և ցած ձայնով
ասաց.

— Եռւտ արա, հեռացիր... որ էլ հոտդ ըլինի
այստեղ...

Այդ ասելով՝ նա շտապեց դէպի պատշգամիր,
որի առաջ կանգ առաւ կառքը և, դիմաւորելով
հիւրին, մտաւ նրա հետ սենեակ:

Բ

Եկած հիւրը՝ պան կիւդվիդ Պակրովսկին մի-
ջին տարիքով, բարձրահասակ, նիշար և համարձակ
շարժումներով մի մարդ էր: Նա հագնուած էր
վայելուչ ձաշակով: Ծնոտների վրա թողած միրու-
ըր շրջանակում էր նրա գունատ դէմքը, նեղ ձա-
կատը ամբողջովին ծածկուած էր խորշոմներով իսկ
ակնոցների տակից փայլում էին նրա սուր, թա-
փանցող աչքերը...

Նա եկել էր այստեղ հարեան զիւղի զիւղա-
ցիների գործով: Վերջիններս ցանկանում էին յետ
առնել կալուածատէր Դել'սկուց այն արօատե-
ղիները և վարելահողերը, որոնք կից էին իրանց
հողաբաժիններին: Դել'սկին, սրանց ասելով, անի-
րաւացի կերպով սեփականել էր իրեն այդ հողերը
և Կապրովսկին վարում էր զրանց դատը: Այժմնրա
դալու նպատակն էր՝ ստանալ գիւղացիներից գործը
վարելու համար որոշուած գումարը:

Երբ Կապրովսկին սկսեց Վիշնսկուն պատմել
այդ գործը, վերջինս, աչքերը լայն բացարած, բա-
ցականչեց.

— Աստուած ունեցէք... դա հօ մի վայրենի
պահանջ է... այդ արօատեղիները և հողը դա-
րերից 'ի վեր Դել'սկուն են պատկանել... ևս այդ հաս-
տատ գիտեմ; որովհետեւ ինքս այնտեղ եմ ծնուել,
մեծացել և ծերացել...

Հըմ... ասաց լրջօրէն Կապրովսկին, ձեռքերը
դնելով գրպանները... կամ կտանեն, կամ կտարուեն...

Եւ նա հոհուալի ծիծաղլով թեքուեց դէ-
պի Վիշնսկին և հեղնօրէն ասաց նրա ականջին.

— Եթէ մենք փաստաբաններս միայն այնպիսի
գործեր վերցնէինք, որոնք կարելի է տանել, այդ-
պիսով մեր ամբողջ դասակարգը սովոց կմեռնէր:

Կապրովսկու դէմքի արտասովոր ժամանակացուցանում էր, որ այդ մարդը սաստիկ խաբե-
րայ է: Նա պատմեց Վիշնսկուն իւր մի քանի
պաշտօնակիցների մասին, որոնք, զանազան մութ-
մութ դատեր վարելով, մեծ գումարներ էին վաս-

տակել: Դրանցից մէկը դրգել էր մի շլեախտիչք դատ սկսելու իւր հարեւանի հետ մի կտոր հողի համար, որը հարիւր մանէթից աւելի չէր արժենայ: Երկու տարուայ ընթացքում, տասնադատիկ աւելի դուրս ծձելով նրանից, փաստաբանը ոչ միայն տանուլ տուեց դատը, այլև զրկեց շլեախտիչին իւր ձիերից ու կովերից, որոնց հրապարակական ածուրդով ծախեցին: Մի ուրիշ փաստաբանն էլ ձեռք էր գցել մի ինչ որ բաւականին ունեոր այրի կին: Հաւատարմաթուղթ ստանալով վերջնիցս վարելու նրա զանազան գործերը ու դատերը, փաստաբանը մի քանի տարուց յետոյ նրա ստացուածքի տէր է դառնում, իսկ խեղճ այրին, վեռ աչքը մի բաց ու խուփ չ'արած, դուրս է վոնտում իւր սեփական տանից...

Փաստաբանը Վիշինսկուն շատ այդպիսի բաներ պատմելուց յետոյ, պատմեց և այն, թէ ի՞նչ տեղեր է եղել ինքը, ի՞նչ է տեսել կարդացել և արել:

Սյդպիսի խօսակցութիւններով անցաւ ամբողջ գարնանային երեկոն: Վիշինսկու քնակարանում տիրեց խորին լուռթիւն. բոլորը քնած էին, բացի կառավարչեց՝ իրենից: Սա անկողնում պառկած մտաբերում էր իւր կեանքը. — նա զիւղական շլեախտիչ էր: Հայրական ագարակում մեծացան չորս եղբայր Վիշինսկիները. երկու մեծ եղբայրները ամուսնացան և մնացին իրենց տեղումը, իսկ երկու փոքրերը գնացին օտարութիւնն: Բայց Ստեփանը հեռու չդնաց: Ինքը լինելով ժիր ու աշխատասէր տղայ, նա Կրասնավոլսկու կալուած-

բում զրագրի պաշտօն ստացաւ: Այդ կալուածատիրոջ մառանումն էր այն ժամանակ ծառայում զեղեցիկ, վայելչահասակ, առողջակաղմ ու սեաչեայ Խրիստինան: Վիշինսկին սիրահարուեց նրա վրա, մոռանալով, որ գեղջկուհի է: Իւր Ճկունութեամբ Խրիստինան մատաղ եղջերուի էր նմանում: Նրա աչքերից կրակ էր թափւում, սաղափի ատամները փայլում էին վարդագոյն շրթունքների տակից: Մազերի հիւսուածքը գոտկատեղից էլ ցած էր իջնում և նա, մազերը բացարած ժամանակ, մի ծովային հաւերժահարսի էր նմանում:

Խրիստինան աշխատասէր աղջիկ էր: Շարունակ օտար մարդկանց մէջ ապրելով, նա ձրի իսկի մի կտոր հաց էլ չէր դրել բերանը: Նա վախկոտ էր և ամաչկոտ, որովհետեւ որբ լինելով, ենթակայ էր ամեն մէկի զրկանքին ու վերաւորանքին: Վիշինսկին նոյնպէս երիտասարդ էր, ժիր և մի փոքր էլ զեղեցկագէմ: Երիտասարդները սիրեցին մէկդէկու և նրանց այնպէս էր թւում, որ իրենց սէրը անվերջ է լինելու: Ունեոր գիւղացիների երիտասարդ որդիները, տեսնելով նրա զեղեցկութիւնը և աշխատասիրութիւնը՝ նշանախօսներ էին ուղարկում մօտը, բայց Վիշինսկին նրանց բոլորին էլ միշտ գուրս էր անում:

Մի անգամ նա առիթ ունեցաւ մի քանի շարաթով գործով քաղաք գնալու: Այստեղ պատահ մամբ ծանօթացաւ մի շլեախտիչ երիտասարդ աղջկայ հետ, բայց սիրելով Խրիստինային, նա սկզբում գրա մասին սկի չէր էլ մտածում: Սակայն,

յաճախ տեսնուելով նրա հետ, փոքր առ փոքր մոռացաւ Խրիստինային և, շնորհեւ ընկերների ու բարեկամների թախանձանքին, վերջ ի վերջոյ համաձայնուեց նրա հետ ամուսնանալ: Նա վերադարձաւ տուն արդէն պսակուած: Այդ տեսնելով սև աշեայ ու սևահեր Խրիստինան, արտասուքն աչքերին թողեց ու հեռացաւ կառավարչի տանից, տանելով իւր հետ մի ծծկեր և մի նոր մանեկողերինաներ:

Ամուսնութիւնից յետոյ Վիշենսկին երկար ժամանակ չէր կարողանում մոռանալ այդ աղջկան: Յաճախ նրա սիրար կարատում էր կարեկցելուց ու ցաւից. և նա սրբելով թաշկինակով քրտինքը շուտով հեռանում էր դաշտը, որ այնտեղ մոռանայ նրան և բացուի... Սակայն, ժամանակի ընթացքում, երբ նա աղջիկներ ունեցաւ և սկսեց նրանց համար օժիաներ պատրաստել հաղարից մէկ էր մտաքերում իւր նախկին սիրուհուն և այն էլ միայն այն ժամանակ, երբ նա որևէ է խնդրով յիշեցնում էր իւր գրյութիւնը:

Այդպիսի առիթ ներկայացաւ և այդ երեկոյ:

— Դէ, ի՞նչ կարող եմ ես խորհուրդ տալ մտածում էր նա և ինչով կարող եմ օգնել նրա Ֆիլիպին... զինուոր վերցնում են, որ ուղարկեն զանազան տեղեր և ոչ թէ ամենին իրենց ծնած տեղերումը թողնեն: Եւ վերջապէս ես ի՞նչ մի մեծ մարդ եմ, որ իշխանութիւնը իմ խօսքս կատարի... բացի սրանից իմ ի՞նչ գործս են այդ բոլորը... իսկ եթէ խորհրդակցեմ Կապրովսկու հետ... երեսումէ,

նա շատ խորամանկ մարդ է... և բացի այդ գիրը ունի... մի հարցնեմ նրան, գուցէ մի բան կ'ասի... գուցէ նա մօր անունից խնդիր կտայ, որ Ֆիլիպին հիւանդութեան պատճառով թողնեն այստեղ... Բայց յանկարծ, որ նա կնոջս մօտ բերնից խօսք թոցնի... այն ժամանակ բանս վատ կլինի... Զէ, լաւ է նրան ոչինչ չասել... Եւ վերջապէս ի՞նչ եմ ես շատ մտածում նրա համար, հօ մենակ նա չէ այդպիսի գրութեան մէջ... ուրիշ մայրերն էլ կցանկանային, որ իրանց որդիները մօտները մնային... դրնէ աշխարհ կտեսնի, մարդ կդառնայ... կնոջ խելք է ախր... լաց է լինում, ինքն էլ չպիտէ ինչի՞ համար... Է՛հ, թող լաց լինի... դրա փոխարէն Ֆիլիպը վերադառնալուց աւելի շատ կ'ուրախանայ... Եւ Վիշենսկին, շարժելով ձեռքը, շուռ եկաւ միւս կողքի վրա և քնեց:

Գ

Դուրս փախէլով ագարակից, Թիֆթիսինան մեջ բագառնում էր տուն նոյն ճանապարհով բայց աւելի դանդաղ քան գնալիս: Այժմ նա շտապելու բան չունէր:

— Է՛հ, երեկի իմ բաղդս էլ այդպէս է էլի. — ասաց նա ինքն իրեն և լոեց:

Այդ միջոցին սկսեց անձրեւ տեղալ. քամին փոփոացնում էր նրա գերեան, զլխին կապած կարմիր շալի վրայով ջուրը առուակի նման հոսում էր օձիքից ներս. բորիկ ոտքերի տակից շթի էր



տալիս ցելսը: Երեք վերստ անցնելուց յետոյ, նա նորից խօսեց.

— Դեռ չեն բնել... չլինի երեխան հիւանդացել է... Այդ խօսքերը ասել առւեց նրան ազարակի շինութիւններից երեացող ձրագը: Նա փոխեց ձանապարհը—անցաւ մի կտոր տարածութիւն հերկուած հողի վրայով, ապա անասունների բակի կողքովը ցած իջաւ ցածր ցանկապատից և այդպիսով՝ կրծատելով՝ ձանապարհը՝ յայտնուեցաւ այն խրճիթի առաջ, որի պատուհանից լոյս էր երեւում: Այդ խրճիթը բաղկացած էր չորս մասից. իւրաքանչեւր մասը, որ կազմուած էր մի առանձին խրճիթից և փոքրիկ սենեակից՝ առանձին մուտքով՝ տեղաւորում էր իւր մէջ մի ընտանիք: Վոլ'կայի տնտեսական աշխատանքի համար հարկաւոր էր ուժ բանուոր, իսկ չորս մասից բաղկացած խրճիթը մի հատ էր: Կալուածքի կառավարիչը շատ շատ տնտես մարդ էր և չէր ցանկանում ուրիշ խրճիթ շինել. այդ պատճառով՝ նա միանգամ հարցրեց Վիշինսկուն.

— Նոր խրճիթ շինե՞նք թէ չէ Վոլ'կայում:

— Ի՞նչ կարիք կայ, — պատասխանեց Վիշինսկին, որը կամենում էր գլխաւոր կառավարչի աշքին լաւ երեալ:

— Հապա ի՞նչ անենք բանուորներին.

— Իւրաքանչեւր բաժնում կարող են երկու ընտանիք տեղաւորուել:

— Եւ դուք կարծում էք, որ նրանք այնտեղ կարող կլինեն տեղաւորուել...

— Համարձակ... միթէ նրանց էլ որևէ է առանձին յարմարութիւններ է պէտք...

Եւ յիրաւի՛, տեղաւորուեցին: Ի՞նչ անէին. բանուորը, որտեղ էլ ապրելու լինի, գարձեալ նոյն բանուորն է, բայց Վոլ'կայում աւելի վատ էր, քան ուրիշ տեղերում, կամ ուրիշ կալուածատէրերի մօտ... Իվանը վաղուց է արդէն ծառայում էր և ապրում երբեմն այս, երբեմն այն բանուորների հետ: Մի տարի առաջ նրան առւեցին մի առանձին բնակարան, բայց գրա հետ միասին տնկից արին երիտասարդ բանուոր Անտօնին իւր մօր Խրիստինայի հետ: Խրանը մինչեւ այդ ժամանակ ապրում էին բանուոր Մատվէյի բաժանմունքում և տեղափոխուեցին նրա համար, որ չէին կարողանում հաշտ ապրել իրենց նախկին տնկիցների հետ: Մատվէյը և իւր կինը կոռւարար մարդիկ էին, ուստի և յածախակի կորիւներ էր պատահում նրանց մէջ: Իվանը և իւր կինը խաղաղ մարդիկ էին և գիտէին սիրով ապրել ամեն մէկի հետ: Նրանը մինչեւ անգամ բարեկամացան Խրիստինայի հետ. գուցէ և այն պատճառով, որ նա երբէք կոռւի առիթ չէր տալիս և նոյն իսկ լուսում էր, երբ կպչում էին նրան կամ կատակներ անում նրա հաշուին: Բացի այդ Խրիստինային գիւր էին եկել Իվանի երեխաները և նա իւր հարազատների պէս նայում էր նրանց:

Ներս մտնելով՝ Խրիստինան արտասանեց սովորական ողջոյնը, որ գցութիւն ունի լեհացի գիւղացիների մէջ: Նրան պատասխանեցին նոյն խօսքերով՝ երեք առնացի և մէկ կանացի ձայներ:

Խրճիթի այդ բաժանմունքը բառական մեծ էր, միայն առաստաղը ցածր էր և ծխից սեացած, յատակը կրից և պատուհանը փոքր, շրջանակներից էլ սաստիկ քամի էր վչում: Չնայելով, որ իրածիթը մեծ էր, բայց նա սաստիկ նեղ էր երեսում, նախ նրա համար, որ ցածր էր և երկրորդ՝ որ այնտեղ գրուած էին ամեն տեսակ զիւղատնտեսական գործիքներ, ինչպէս վեղրոներ, տաշտեր, մանրիչներ, կարժարներ, կազմաբով ու բազուկով լի տակառներ, ևլն ևլն: Խրճիթի մի անկիւնը բռնում էր ռուսական-վառարանը, որի վրայից երեսում էին երկու զյուդ մանկական ոտքեր: Վառարանի տակ թառ էին եղած երեք հաւ և մի աքաղաղ իսկ նրա ընդարձակ առաջըի վրա՝ վերմակով ծածկուած՝ պառկած էր մի կին և երբեմն-երբեմն նիշարած ձեռքով շարժում էր սե առաստաղից կախուած օրօրոցը:

Սյդտեղ քնած էր մի մանուկ, որ երկու օր առաջ էր ծնուել. իսկ վառարանի վրա պառկած կինը ծննդականն էր՝ իվանի ամուսինը: Առաջուայ տարիները նա մի օրից տւելի չէր պառկում և եթէ ոյժ էլ չունենար ծանր աշխատանքներ կատարելու, գոնէ կարողանում էր կարտօֆիլ մաքրել երեխաներին նայել ևլն: Բայց այս անգամ նա թոյլ էր, նիշարած, սեացած և արդէն չորրորդ օրն էր, ինչ պառկած էր:

Միւս տանտիկինն էլ յայտնի չէ թէ ինչու, տանը չէր այդ պատճառով և ընթրիքը բառականին ուշացաւ: Իվանը և Անտօնը, դաշտից վերա-

դառնալով, գրեցին գութանը իրա տեղը, ձիաներին ջրեցին, ուտելու պաշար տնւեցին և իրենք էլ մի քանի հայհցանքներ ուղղելով միւս բանուորների հասցեին, եկան ու սկսեցին ընթրիք պատրաստել:

Խրիստինայի ներս մտնելու բոսկին Անտօնը կանգնած էր վառարանի առաջ գդալը ձեռքին և երբեմն-երբեմն խառնում էր կծուճի միջի արգանակը: Դա մի շատ երիտասարդ, բայց առողջակազմ ու գեղեցկեցմ պատանի էր. մագերը բաց շեկագոյն իսկ աչքերը կապոյտ: Իվանը նյոնպէս առողջ, ամրակազմ, լայնաթիկունք մի զիւղացի էր. սեաչեայ, սե բեխերով և թուխ դէմքի շուրջը բուսած սե աղօւամազով: Նա սեղանի առաջ նստած խօսում էր ինչ որ հիւրի հետ՝ ուղղած նրան իւր բառականին սիրալիր, բայց և կասկածալից հայեացքը: Հիւրը մի նիշար ու ժիր ծերունի էր—դէմքը գունատ և թառամած, քիթը երկար, կզակը դուրս ընկած՝ վրան էլ բուսած նոսր, սպիտակած միրուք: Մոխրագոյն աչքերը համարձակ մինչև իսկ՝ լցիրշ արտայայտութիւն ունէին. նրանց փայլի մէջ իսկոյն կարելի էր նկատել մի տեսակ խստութեան ասես, թէ ագահութեան բնաւորիշ զիծ: Նա հագին ունէր զեղին, փայլուն կոճակներով մահուգէ բաճկոն, որը բոլորովին նման չէր զիւղացիների հագնելու բաճկոնին: Կոճակի օղակից կախ էր ընկած բըռնէց շքանշանը: Խրիստինայի գալուստը ընդհատեց նրանց խօսակցութիւնը: Պատասխանելով վերջնիս ողջը-

նին, նրանք շարունակեցին խօսքը, առանց ուշադրութիւն դարձնելու, թէ ի՞նչ էր կատարւում իրենց շուրջը:

Խրիստինան, պլուխ տալով որդուն և նրանից փոխադարձաբար պատասխան ստանալով, կանգնեց վառարանի դիմաց և, ձեռքը ծնոտին դրած, սկսեց դիտել վառվող կրակը: Նրա դէմքի նուրբ դժերի և նախկին կրակու աչքերի անշարժութեան մէջ անհուն տիրութիւն էր նկատում: Անտօնը, դդալով խառնելով կճուճի ճարպախառն արգանակը, նայեց մօրը և հարցրեց.

— Հը, ի՞նչ կայ մայրէկ.

Պառաւը, առանց փոխելու իւր դիրքը և մինչև անգամ առանց նայելու որդուն, պատասխանեց.

— Ոչինչ որդի՛ս... մեր Ֆիլիպը կ'երթայ հեռաւոր երկիրներ, և իմ աչքերս էլ չեն տեսնի նրան... երեի մեզ էլ այդպէս է վիճակուած, որ ոչ մի տեղեց օգնութիւն չգտնենք...

Անտօնը հոգւոց հանեց և շարժեց պլուխը: Մանուկը սկսեց լաց լինել օրօրոցում: Խրիստինան սթափուեց և խոյն մօտեցաւ ծննդականին, առանց մտածելու իւր թաց հագուստը և ցրախց ու ցեխից կարմրած ոտները տաքացնելու մասին: Վերջինս ցած ձայնով մի ինչ որ բան ասաց նրան և հոգւոց հանելով երեսը դարձրեց դէպի խրծիթը: Խրիստինան հանեց երեխային օրօրոցից և տուեց մօրը: Այնուհետեւ նա նստեց վառարանի տիկին և ձեռքերը ծալելով թաց ծնկներին, նոր ուշադրութիւն դարձրեց իվանի և հիւրի խօսակ-

ցութեան վրա: Դրանց առաջ դրուած էր մի շեշտղի և մի թիթեղի բաժակ:

Նրանք սիրալիր խօսքերով փոխադաբար հիւրասիրում էին միմիանց և, ամեն բաժակի դըլ խին ասում: «ողջ լինիք»: Իվանը շատ խմել էքր սիրում, այդ պատճառով և հիւրի խմած իւրաքանչիւր երկու բաժակին նա մի բաժակ էր խմում: Վերջինս մի ինչ որ բանի մասին տաք-տաք խօսում էր նրա հետ.

— Աստուած վկայ, — ասում էր նա, յառելով իւր խորամանկ աչքերը իվանի գէմքին. — Ես եթէ քո տեղը լինէի, վաղուց արդէն հողի և խրճիթի տէր դարձած կլինէի, և իմ սեփական ունեցածովս կ'ապրէի... Միթէ խկապէս քեզ համար լաւ է բանուորութիւն անել և դարմանախառն հաց ուտել որ դու թոյլ ես տալիս հօրեղբորդ տիրելու քո հողին:

Իվանը շարժեց իւր սեահեր պլուխը.

— Ի՞նչն է լաւ, — պատասխանեց նա, — բայց ի՞նչ պէտք է անել: Ես շատ փոքր էի, խելքս գեռ բան չէր կարում, երբ չար մարդիկ զրկեցին ինձ որբուկիս: Հէնց որ հայրս մեռաւ, հօրեղբայրս այն բոպէին բոլոր հողը, խրճիթը և ողջ ունեցած — չունեցածը իրեն սեփականեց: « Մասնաժողովը, — ասում է — ինձ է տէր նշանակել ուրեմն հողը իմն է, եղբայրս իրը բանուոր էր ծառայում ինձ մօտ և այդ բոլորից նրան իսկի մի չոփ էլ չլ չասնում... » Եատերը ինձ խորհուրդ էին տալիս բողոքել դատարանին. ես խնդիր տուեցի, բայց հօրեղբայրս

այնպիսի մի գիտաստաբան վարձեց, որ նա, ինչ սուսումնուտ վայրահաջութիւններ քեֆը տուեց, սկսեց ասել դատարանում: Դէ՛հ, ես էլ այդպիսով տարուեցի և հողատիրոջ որդուց դարձայ մի անհող բանուոր:

Սցդ ասելով, նա թափ տուեց ձեռքը, մի կէս բաժակ օղի ածեց և, «ողջ լինիք» ասելով հիւրին, խմեց:

— Ի՞նչ պէտք է անել.—շարունակեց նա, — կորած բանը յետ չես դարձնի... բայց Աստուծոյ ողորմութեամբ չենք մեռնի սովից կնոջս ու երեխաներիս հետ: Աներս կնոջս հարիւր մանէթ օժիտ է տուել... նա հարուստ է... այգետէր է... էլի կտայ... չէնց որ — ասումէ, — այնքան փող կժողովես, որ կարող կլինիս մի կտոր հող գնել, այն ժամանակ էլի հարիւր ըուբլի կտամ.. Դուցէ, Աստուած կյաջողէ, կժողովեմ.. այն ժամանակ կդնեմ.. կինս նոյնպէս մի փոքրիկ բան կ աշխատէ... ոռաձիցս էլ մի փոքրիկ մաս յետ կձեմ.. դէ՛հ, այդպիսով կժողովուի էլի... Քիչ ու միչ հաւաքած հէնց հիմա էլ ունիմ...

— Շատ ունեմ, — հարցրեց հիւրը՝ ներքուստ նախանձելով: Իվանը խորամանկութեամբ ժպտաց:

— Է՛հ, ով զիտէ. — ասաց նա ծիծագելով, — շատ է թէ քիչ բայց մի կտոր բան կայ...

— Լաւ, բայց այն հողը, որ հօրեղբայրդ ապօրինի կերպով խել է... այնպէս էլ կմնայ...

— Ի՞նչ պէտք է անել—հոգւոց հանեց նա. ով զիտէ ով է մեղաւորը, նա թէ ես... է՛հ, թող Աստուած անէ մեր դատաստանը...

— Այ դու յիմար արարած, — բացականչեց հիւրը. — Դու, որ լոռում ես ու համբերում, կարծում ես, ամեն բան վերջացած է. ինչի փաստաբան չես վարձում է հօրեղբօրդ նորից դատաստանատուն քարշ տալիս՝ նրա հասցրած զրկանքի համար... կարծում ես, մենակ նա կարող է իրեն համար վայրահաչ ու ստախօս փաստաբան վարձել. դու չես կարող... Ի՞նչ ես խօսում դու, ես քո գործդ իմ հինգ մատներիս պէս դիտեմ.. նրա բոլոր պահանջները մի ձուի կծեպի արժէք չունեն... Դեռ տաստարի չի անցել և գու կարող ես բողոքել.. հասկանում ես...

Հիւրը խորհրդաւոր կերպով ձեռքը վեր բարձրացրեց և, մի պերճախօս շարժում անելով, աւելացրեց.

— Դու զեռ իսկական դատաստան չե՞ս տեսել չգիտե՞ս, ի՞նչ կարելի է անել այնտեղ: Ես տեսել եմ. — դա մի աշազին դաշլիճ է եկեղեցու նման. մէջ տեղը դրուած է կարմիր մահուգով ծածկուած մեծ սեղան, իսկ սեղանի առաջ նստում են աստիճանաւորները ոսկէկար օձիքաւոր նշանազգեստները հագներին:

— Ոսկեկար օձիքաւոր, — հարցրեց իվանը՝ զարմացած ուշադրութեամբ լսելով հիւրի ամեն մի խօսքը.

— Ապա ի՞նչ էիր կարծում... — չէ՛, քո բաճկոնի նման բաճկոնով... ամբողջ նշանազգեստը փայլում է ու պսպղում ոսկու նման... Ահա, այդ աստիճանաւորների առաջ են կանդնում փաստա-

բանները ու խօսում: «ուրեմն այդպէ՞ս, պարոնայք, այս ինչ և այն ինչքանները ինկատի չեն առնուած...» իսկ դատաւորները ամբողջ ժամանակը լռում են ու լսում: Յետոյ, երբ փաստաբանը վերջացնում է իւր խօսքը, վեր են կենում ու գնում..

— Դնում ե՞ն, ո՞ւր,—հարցրեց իվանը ափսոսալով: Կարծես նա ցաւում էր, որ չկարողացաւ լսել հետաքրքիր պատմութեան վերջը...

— Այո, գնում են միւս սենեակ՝ փաստաբանի ասածները քննելու. յետոյ վերադառնում են և բոլոր կանգնում են... դատարանի նախագահը բարձրաձայն կարգումէ. «դատարանը վճռեց յարգել իվան Գոզդավայի խնդիրը և, վերցնելով նրա հօրեղբայր Պաւելից հողը և գոյըը, տալիս է նրան յաւիտենական ժառանգութիւն...

Պատմութեան այդ անակնկալ վերջաբանի վրա իվանի աչքերը փայլեցին ուրախութեամբ.

— Օհո, բացականչեց նա.—երանի՛ թէ դա ձիշտ լինէր:

— Ինչի՞ չի կարող լինել,—ասաց նիկոլայը, (այդպէս էին կոչում հիւրին) — եթէ դու կկամենաս, ես քեզ մի այնպիսի փաստաբան կտամ, որը մինիստրին իրան է զարմացնում, իսկ երբ նա սկըսում է խօսել դատարանում, բոլոր դատաւորները միայն բերանները բաց լսում են նրան...

Իվանը ուրախացաւ.

— Դա հօ նա չէ, որը վարումէ Միլեվոի գիւղացիների դատը Դելսկու հետ.—հարցրեց նա:

— Այո, հէնց նա ինքն է. դու նրան տեսե՞լ ես

— Հարեանցի կերպով տեսել եմ. երբ որ խոտէի տանում Միլեվով, նա պանդոկի առաջ խօսում էր գիւղացիների հետ... երեխի շատ խելօք կլինի...

— Օհօ, քեզ բան եմ ասում, այնպէս մի խընդիր է գրում, որ մինիստրը ինքը զարմանում է...

Եւ հարուստ էլ է երեխ... այնպիսի մի հաստոսկէ շղթայ ունէր կրծքին, որ հարկաւոր ժամանակը շուն էլ կարելի է կապել նրանով...

— Ինչի՞ չի լինի հարուստ, քանի որ մարդիկ նրա գուռը սրբի գուռ են դարձել... այդ նրա համար է, որ նա ինչ գործ էլ վերցնի, միշտ տանում է... Միթէ.

Միշտ... այնքան նա խելօք է և բարի... ամեն մի աղքատի էլ օգնում ու բաղդաւորեցնում է, ինչպիսի գմբաղդութեան մէջ էլ որ լինի նա:

Իվանը ընկաւ խոր մտածմունքի տակ:

— Լսի՛ր, նիկոլայ,—ասաց նա ցած ձայնով մի բոպէաչափ լռութիւնից յետոյ,—թանկէ վերցնում քո այդ փաստաբանը:

Նիկոլայը շարժեց յօնքերը. նա ինչ որ բան հաշվում էր մատներով և քթի տակ մրթմրթում:

— Ոչ—խօսեց նա, — շատ թանկ չի վերցնի. շատ-շատ հինգ տոկոս կվերցնի... և վերջապէս նա երբէք աւել չի վերցնում ոչ ոքից:

— Իսկ ի՞նչ են նշանակում այդ տոկոսները.

— Տոկոսը վարձատրութիւն է, — բացատրեց նիկոլայը. — առանց դրան նա իսկի մի մատն էլ չի շարժի: Եւ եթէ նա ասէ. — Իվան, քո գործի համար հարիւր

մանէթ հարկաւոր է, առւր, գու պէտքէ տաս. եթէ
մինչև անդամառաջուց էլ պահանջի, այդ դէպքումն
էլ չպէտքէ մերժել... թէ չ իսկի վրադ էլ չի նայի...
Դու ի՞նչ ես որ նրա համար... քո զործիդ պէս դոր-
ծեր է կատարում նամ... Քեզ ասում եմ թանկ չի
վերցնի, հինգ տոկոսից ոչ աւել... առանց դրան բան
շնուր չի կարել. դու հօ նրա եղայրը կամ քեռին
չես, որ քեզ համար զուր տեղը չարչարուի:

Ակնյայտ էր, որ իվանը առանձին ուշադրու-
թեամբ էր լսում նիկօլային, որովհետեւ նա անթարթ
նայում էր նրա աչքերին. կարծես ուզում էր կլա-
նել նրա ամեն մի խօսքը:

—Ուրեմն, եթէ ես գնամ նրա մօտ իմ դոր-
ծիս համար խնդրելու, պէտքէ փող տանեմ էլի...
շատ պէտքէ տանեմ...

—Զգիտեմ... եթէ հինգ տոկոսով հաշուելու
լինենք կալուածքներիդ դնից, երեք այն ժամանակ
մի քսան-երեսուն մանէթ հարկաւոր կլինի տալ...

—Տասը հերիք չ. —սկսեց արդէն սակարկու-
թիւն անել իվանը.

—Կ'երթամ վաղը նրա մօտ. —Հարցրեց նիկօ-
լայը ուրախացած, —նա վաղը լուսաբացին կեսնցից
ձանապարհ է ընկնելու դէպի պանդոկը Միլեփօի
դիւղացիների հետ բանակցելու համար... եթէ դու
կգաս, ես քեզ կներկայացնեմ նրան... դու հօ օտար
չես ինձ համար... ես քեզ գեռ մանկութիւնիցդ գի-
տեմ... երկուսս էլ Միլեփօից ենք, ես զինուոր գնա-
լու ժամանակ դու գեռ երեխայ էիր, շապկանց վաշ-
վաղ էիր տալիս...

Իվանը ընկաւ մտածմունքի տակ. նա կարծես
տատանւում էր:

Այդ րոպէին ընթրիթը բերեցին և գրեցին սե-
ղանի վրա. հաց բերողը Անտօնն էր, իսկ արգա-
նակը Խրիստինան բերեց: Զորս փայտէ գլաներն
էլ կծուճի վրա շարելուց յետոյ, նա խաչից ձեռքերը
և իւր անշարժ հայեացքը ուղղեց Նիկօլայի վրա:
Իվանը կտրտեց հացը: Անտօնը զգալը ձեռքին
սպասում էր մեծերի սկսելուն, որ ինքն էլ ուտի:
Խրիստինան շարունակ նայում էր Նիկօլային:

Սա ծիծաղեց.

—Ի՞նչ ես այդպէս անթարթ նայում վրաս,
Խրիստինա, նո՞ր ես տեսնում ինձ ինչ է. —Հարցրեց
Նիկօլայը.

Պառաւը, աչքերը չդարձնելով նրանից՝ մտա-
ծեց—մտածեց և վերջապէս խօսեց.

—Ոչ նոր եմ տեսնում քեզ Նիկօլայ, և ոչ
էլ ես օտար եմ քեզ համար, ինչպէս և իվանը...
երկուսս էլ Միլեփօից ենք... ես նոյնպէս Միլեփօից
եմ... մենք բոլորս էլ Միլեփօիներ ենք... միայն ես
մի խեղճ որբուկ էի, որին ոչ ոք ցանկացաւ խրդ-
ճալ... գոնէ դու խղճա, նիկօլայ, օգնի՛ր, ազատի՛ր...
Ես քեզ լսում էի, թէ ի՞նչ էիր հասկացնում իվա-
նին և աշա ինչ վճռեցի, եթէ այդ փաստաբանը
նրան կարող է օգնել ինձ էլ կ'օգնի... եթէ նա
ուրիշներին ազատումէ, իմ Փիլեպին էլ կ'ազատէ...

Նա լոեց: Աչքերի թափանցող հայեացքը ա-
ղերսալից արտայայտութիւն ստացաւ: Տղամարդիկ
արդէն սկսել էին ուտել արգանակը, բայց նա գեռ

կանգնած էր և շարունակ նայում էր Նիկօլային.
— Այո՛, խե՞ղձ Ֆիլիպ, — ասաց վերջինս՝ կեզծ
ցաւակցութեամբ շարժելով պլուխը, հեշտ չէ երի-
տասարդ զինուորի կեանքը, որին խլելով մայրա-
կան գրից՝ կանգնեցնում են շարքերի մէջ... աջ,
ձախ... մարշ... Սստուած ինքը ազատէ, եթէ հրա-
ցանդ էլ սխալ բռնեցիր, կամ սխալ շուռ եկար...
նոյն րոպէին մօտենում է ֆել' գֆերիլը և տուր որ
կտաս ատամներին...

— Առանց այն էլ զինուորի կեանքը շատ ծանր
է, — շարունակում էր Նիկօլայը, — իսկ այնտեղ, ուր
բո՞ Ֆիլիպին են ուղարկելու, աւելի վատ... ես ին-
քըս եղել եմ այնտեղ և գիտեմ... այնքան ցուրտ է,
այնքան ցուրտ, որ մարդու ամբողջ կաշին արաք-
տրաքէ գալիս... հէնց որ մի բան չէիր ուտում,
իսկըն փորումդ սառուց էր կտրում.. ես իշարկ է
հիւանդացայ, գեռ ես առողջ զիւղացի էի, կարո-
ղացայ տանել իսկ քո Ֆիլիպի ի՞նչ է... մրսկանի
մէկը... ի՞նչ նրա բանն է դիմանալ...

Խրիստինան, որ նոյնպէս սկսել էր ուտել
չկարողացաւ գլաւը հասցնել բերանին և կանգնեց-
րեց կիսաճանապարհին: Նրա գէմքը կարծես քա-
րացաւ, ձեռքը դողաց. նա մի ծիչ արձակեց և՝ բռ-
նելով զլուխը՝ ընկաւ նստարանի վըա.

— Սստուած իմ, Սստուած, — ողբում էր նա՝
այս ու այն կողմը շուռ գալով:

— Իէ՛հ, հերիք է մայրիկ, հերիք է, հանգս-
տացիր... միմիթարում էր նրան Անտօնը աղեղողում
ձայնով որով բոլորի դութը շարժում էր.

— Իէ՛հ, յիմար կնիկ, — խօսեց Նիկօլայը, — էլ
ի՞նչ կայ այդպէս յուսահատուելու ու սուգ անե-
լու... Աստուած ողորմած է... նա արդէն ուղար-
կել է քեզ մօտ այնպիսի մի մարդ, որը կարող է
ազատել որդուլ... եթէ նա յանկանայ, քո Ֆիլի-
պիդ այստեղ կթողնեն... մինչև անգամ դուցէ ձմե-
ռը Միլեվո կուղարկեն ծառայելու...

Կարծես մէկը Խրիստինայի ձեռքից բռնեց և
ոտքի կանգնեցրեց. նա իսկըն վեր կացաւ և վայր-
կենաբար յայտնուեց Նիկօլայի կողքին.

— Բարերարս... հարազատս... աղազակում էր
նա, համբուրելով Նիկօլայի փէշերը. — օքնի՛ր ինձ,
օքնի՛ր...

— Լաւ, կ'օգնեմ, բայց իմացի՛ր, որ դրա հա-
մար էլ հինգ տոկոս պէտք է վճարես... առանց
դրան ոչինչ չի լինի... և եթէ դու փող ունես...

— Ունե՞մ, ունե՞մ, իմ անգին Նիկօլայ, այդ այն
փողերն են, որ ես քսան տարուայ ընթացքում
արիւն-քրտինք թափելով եմ աշխատել... պահում
էի որդիներիս ու իմ սե օրուայ համար... կէսը
կտամ Ֆիլիպիս ազատելու, կէսն էլ կպահեմ Ան-
տօնիս համար... ես աշխատել եմ, հնձել եմ, բաղ-
հան եմ արել ձեռքերիս կաշին մաշկել եմ, պաս եմ
պահել, ոտարոբիկ եմ ման եկել և բոլորը դրանց
համար եմ հաւաքել...

— Ե՛, ես իսկի զգիտեմ ի՞նչ անեմ, գնամ թէ
չէ քո այդ փաստաբանի մօտ. — խօսեց Իվանը.

— Գնա՛, Իվան, գնա՛, լսուեց ծննդականի քաղցր
ու բնքուշ ձայնը. — դէպքը ձեռքիցդ մի՛ բաց թող...

փորձիք... կարելի է հողը բեղ կրնկնի և այս ժամանակ վերջ կլինի մեր այդ աղքատութեան: Իմ բաղդիցս է, որ ես էլ այդպէս թոյլ եմ, թէ չէ, ինքս կ'երթայի նրա ռաքերը ընկնելու: Գնա, գնա, ես թոյլ եմ, դուցէ և շուտով մեռնեմ.. դոնէ մահիցս առաջ կ'իմանամ, որ դու դադարել ես վարձկան բանուորի հաց ուտելուց և մեր դաւակները...

Նա չկարողացաւ վերջացնել... ոյժերը սպառեցին... կանչեց Խրիստինային և տուեց նրան նորածնին, որ դնէ օրօրոցի մէջ:

Իվանը նայեց վառարանին, որի վրա պառկած էր նրա հիւանդ կինը և լալիս էր նորածին մանուկը.

— Ե՞հ, ասաց նա՝ վերկենալով սեղանից, — կ'երթամ, թողի ինչ լինելու է, լինի, մի քիչ էլ փող կվերցնեմ.. թերեւս Աստուած կ'ողորմէ մեզ...

Նիկոլայը յաղթանակում էր.

— Դէ՛չ, խմենք, — ասաց նա.

— Խմենք, — պատասխանեց Իվանը:

— Կենացդ.

— Ո՞ղջ լինիս....

— Դու էլ խմի՛ր Խրիստինա.

— Խրիստինան վերցրեց բաժակը իւր ըորացած ձեռքերով և, կէսը խմելով, վայր դրեց:

— Դու էլ խմի՛ր Անտօն, — ասաց Նիկոլայը:

Անտօնը պարզեց ձեռքը բաժակը վերցնելու:

— Մի՛ համարձակուիր խմել. — դոչեց Խրիստինան և մի վայրկենում յայտնուեցաւ որդու առաջ, կարծես նրան իւր կրծքով պաշտպանում էր թշնամու դնդակներից:

— Թցլ տուր, մայրի՛կ, — ասաց Անտօնը, փորձելով հեռացնել մօրը:

— Մի՛ համարձակուիր, — կրկնեց նա և այնպէս նայեց վրան, որ Անտօնը՝ դուկիր կախ՝ հեռացաւ սեղանի մօտից:

— Ինքս չեմ խմել, նրանց էլ թոյլ չէ մտայ, — աւելացրեց Խրիստինան՝ դիմելով տղամարդկանց. — ասենք, նրանք իրենք էլ խմողներիցը չեն... և, բացի այդ, յարգում են մօր խօսքը...

Խրիստինան չէր սխալւում. Անտօնը ոչ միայն լսեց մօրը, այլ մինչեւ անգամ, աչքերը վայր թողած, կանգնել էր և չէր համարձակում նայել նրա երեսին:

— Ես նրանց հարբեցողութեան ու չարագործութեան համար չեմ մեծացրել... աչքիս լոյսի պէս պահելապահնել եմ ամեն չարից, փորձանքից և մանկութիւնից աշխատանքի ու հնազանդութեան եմ սովորեցրել... Նրանք տեսնում էին, ինչպէս ես ինքս աշխատում էի իրենց համար՝ զրկուած Աստուծոյ աշխարհից, խղճում էին ինձ և լսում խօսքիս...

Վերջապէս Նիկոլայը վերկացաւ և «Ֆնաք բարե» ասաց Խանին՝ գրկելով ու համբուրելով նրա երկու թշերից...

Մի քանի ըստէից Խրծթում տիրեց լսութիւն ու խաւար: Միայն փոքրիկ սենեակում ինչ որ ձրագ էր վառվում և մի խուլ շուկ լսում... Խրիստինան նստած էր գետնի վրա՝ բաց սնդուկի առաջ. նրա ետեր՝ ձրագը ձեռքին՝ կանգնած էր Անտօնը: Պառաւը արագ-արագ շուռ ու մուռ տուեց

սնդուկում գարսած շորերը, ձեռքը տարաւ մինչև յասակը և այնտեղց հանեց մի ինչ որ երկարաւուն առարկայ, որ նման էր բերանը պինդ փակած տոպրակի: Դա մի ինչ որ բանով լիբը գուլպայ էր: Խրիստինան բաց արեց նրա պինդ փակած բերանը, ձեռքը կոխեց ներս և ամենից առաջ հանեց այնտեղց 1—3 ռուբլանոց թուղթ փողեր, յետոյ՝ 10, 15, 20 կոպէկանոց արծաթ փողեր և ապա՝ փողք քանակութեամբ պղնձէ դրամներ: Ակնյայտ էր, որ նա այդ գուլպայի մէջ էր պահում իւր ամբողջ աշխատանքը... Քանի, քանի՛ անդամ նա իւր զաւակների հետ ցամաք հացով էր անցկացրել: Օրը, գետնախնձորով կերակրուել քանի քանի անդամ նա յետ էր զցել իւր աշխատած կոպէկները, պահել այդ գուլպայի մէջ. և այդ ամենը նա կատարել էր քսան տարի շարունակ:

Մայր ու որդի ընդհանուր ցմերով համարեցին մինչև հարիւր ռուբլի: Խրիստինան, համրածը ձեռքին բռնած, նայեց որդու աշքերին.

— Դա ֆիլիպի փողն է, — ասաց նա:

— Գիտեմ, — զլխով արեց Անտօնը:

— Ես քեզ չեմ զրկի, բո փողերին չեմ դիպէ: Ինձ ի՞նչ... շարժեց նա ձեռքը:

Բայց այնուամենայնիւ Անտօնը հետաքրքրութեամբ նայում էր գուլպայի մէջ: Թէպէտ նա՝ մօրը յարգելով մի տեսակ կեղծ անտարբերութիւն էր ցոյց տալիս, բայց ակնյայտ էր, որ իրա համար նշանակուած փողերը շատ հետաքրքրում էին նրան: Խրիստինան մի ձեռքով թուղթ փողերն էր

բռնել, միւսը ծնոտին դրել և այդպէս անշարժ նստած էր: Մի գուցէ այժմնա էլ, ինչպէս մի ժամ առաջ նվանը, կասկածանքի մէջ էր, թէ փողերը կծախսի, բայց գործը չի շնուրի: Սակայն յիշեց նա Նիկոլայի խօսքերը. կաշխ ցրտից ամբողջովին տրաբ-տրաբ էր գալիս և աղերներս փորումն սառչում էին, վեց ամիս շարունակ գեղին տենդը իմ հոգիս հանում էր: Տէ՛ր Աստուած... մրժնջաց նա և՝ իսկոյն թաղյնելով գուլպան սնդուկի մէջ, իսկ վերցրած փողերը ծոցումը՝ ցած ձայնով աւելացրեց.

Գուցէ Աստուած կ'ողորմէ և չար մարդկանց ձեռքը չի դժի ինձ:

Նո փակեց սնդուկը, գարձաւ խրճիթ և, վառարանի վրա բարձրանալով, շուտով քնեց:

Դ

Վիրակի օր էր. լսուր՝ կապտին տալով պատուհանի ապակիների վրա՝ հետզհետէ սկսում էր ներս թափանցել խրճիթը: Աքաղաղները բակում և վառարանի տակ բարձրացրել էին իրենց ծուղրուղուն: Պատի ետեից լսուեց Մատվէյի կնոջ ձայնը. դա ամբողջ ագարակի կանանցից ամենաչարն էր: Երեխաները ուրախ-ուրախ խաղում էին բակում: Բանուօրները հետզհետէ վեր էին կենում և, իրենց կիսամաշ մուշտակները հագնելով, գնում աշխատանքի: Ծուխը թանձր քուլաներով բարձրանում էր ծխնելցողներից և, քամուց հալածուելով, տարածվում օդի մէջ: Բակում այստեղ-այնտեղ աչքի

էին ընկնում բանուորները՝ խոտի մեծ կապոյները շալակներին։ Կանայք նոյնպէս աշխատում էին. նրանք վառարանների առաջ կերակուր էին եփում և միւնցն ժամանակ լուանում, սանրում ու մաքուր շորեր հազգնում երեսաներին։

Իվանը և Խրիստինան, — հէնց որ առաջինը վերջացրեց իւր առաւօտուայ պարտագիր աշխատանքը, — դնացին Միլեվօի պանդոկատունը, որը Վոլոկայից մի վերստ հեռաւորութեան վրա էր։ Սյդպանդոկը գտնուում էր Միլեվօ կոչուած մեծ գիւղեղիսին և շատ նման էր մեծ ճանապարհների վրա եղող պանդոկներին։ Նա մի կողմից բաղկացած էր մեծ, ընդարձակ խրձթից, իսկ միւս կողմից՝ մեծ, երկար ու մութ ախուատնից։ Խրձթում կային մի քանի նստարաններ ու սեղաններ. բոլոր պատերը և առաստաղը ածուխի պէս սեացած էին ու ճաքճքուած. իսկ կաւէ յատակը սաստիկ խորդուբորդ։

Պանդոկում մեծ բազմութիւն կար և աշագին ազմուկ էր բարձրացել։ Միլեվօի բոլոր գիւղացիները այդ առաւօտ հաւաքուել էին բանակցելու իրենց փաստաբանի հետ, որը, երկու տարի է, վարում էր նրանց դատը։ Խմանալով նիկօլայից փաստաբանի գալուստը, նրանք բոլորը եկել էին ներկայ դանուելու։ Այժմ բանը նրանումն էր, որ այդ գիւղացիները պէտք է էլի մի 400—500 մանէթ տային փաստաբանին։ Եթէ այդ փողերը կտան, մօտիկ ապագայում նրանք կարող են դործը տանել, հակառակ գէպում բանի պատճեն կատարելու համար առաջարկ է առաջնորդութեան համար։

Իրեն պատասխանաւութիւնից. — այդպէս էր ասել նրանց նիկօլայը։ Մէկ չէր, երկու չէր, այդպիսի մողովներ շատ էին եղել. փողը հոսում էր գիւղացիներից զրպաններից ինչպէս մի լայնատարած գետ, որ սկիզբն է առնում մի փոքրիկ ալղբւրից։ Ամեն տեսակ գումարներ՝ երեսուն մանէթից սկսած մինչև երեք հարիւր մանէթը՝ Միլեվօի գիւղացիները միշտ տալիս էին։ Վերջը միայն, երբ այդ գործի համար ծախսած փողը աշազին քանակութեան հասաւ, նրանք սկսեցին ափսոսալ։ Տուածը չկորցնելու համար, նիկօլայի խորհրդով, հարկաւոր էր էլի մի հինգ հարիւր մանէթ հաւաքել և այդ վերջինը պէտք է լինէր, ինչպէս «Հայրմեր»-ի վերջին «ամեն»-ը։ Դեռ երեկուանից նրանք խորհրդակցում էին այդ հարցի մասին. — տան հաւատարմատարին պահանջած գումարը, թէ չէ։ Վճռեցին չտալ։ Դրա հետեւանքը եղաւ այն, որ փաստաբանը կատաղած հեռացաւ։ Գիւղացիները վախեցան։ «Փողերն էլ կորան, գործն էլ կորաւ...» — ասում էին մի քանիսը։ Բայց նիկօլայը միմիթարեց նրանց՝ ասելով, որ գեռ կարող են ուղղել իրենց սխալը՝ տեսնուելով փաստաբանի հետ կեսնոյից վերագառնալիս։

Իվանը և Խրիստինան՝ պանդոկը մտնելով՝ նստեցին նստարաններից մէկի վրա։ Բոլոր գիւղացիները հագներին ունէին նոր մուշտակներ և նոր կօշեներ. դա ապացոյց էր նրանց ունեռութեան։ Նրանցից մի քանիսը նստուած էին սեղանների շուրջը, մի քանիսն էլ՝ խմբուած խրձթի մէջ տեղը՝ լսում

էին նիկօլայի խօսակցութեանը հարուստ գիւղացիների հետ: Ամբողջ կէս ժամ է, սա պնդում էր, որ գիւղացիները միմիայն իրեն ու իրեն են պարտական իրենց ներկայ խելքով:

Սյդ միջոցին լսուեց մօտեցող կառքի գղրդիւնը: — Նիկօլայ, Նիկօլայ, -ձայն տուեցին տեղ-տեղից: Նիկօլայը վեր թռաւ և վազեց դէպի դուռը, ուր խմբուեցին շուտով՝ և գիւղացիները:

Երկու չաղ ձիաներ Ծած կառքը կանդ առաւ դռան առաջ: Նրա մէջ բաղմած կապրովսկին, առանց ուշադրութիւն դարձնելու գիւղացիների վրա, սկսեց խօսել Նիկօլայի հետ:

Գիւղացիները աղերսում էին փաստաբանին, որ նա իջնի կառքից և մտնի պանդոկը:

— Ձե՛րդ գերազնուութիւն, — ձայն տուեց Իվանի բեռի Պաւելը, — մի՛ բոպէով ցած իջէք... խօսք ունենք...

— Մի բոպէ միայն... վախվիսելով կրկնում էին միւսները:

— Մի բարկացէք մեր յիմարութեան վրա, աչքից մի զցէք մեզ, — ասում էր՝ խոր դլուխ տալով՝ իվանի քեռին:

Վերջապէս կապրովսկին բաց արեց բերանը. — Բնկերներ... եթէ դուք ինձ չէք հաւատում

և, ինչպէս երեկ ասացիք, չէք կարող այլ ևս այդ գործի համար փող ծախսել, արէք, ինչպէս կամենում էք... Գնացէք ուրիշ փաստաբանի մօտ, նա գուցէ ձրի կվերցնի ձեր գործը... միայն ուղարկեցէք նրան ինձ մօտ՝ թղթերը վերցնելու:

Նա այդ ասում էր սառնասրտութեամբ և միւնցին ժամանակ մտածում:

— Դէ՛հ, տեսնենք, ի՞նչպէս նրանք կ'երթան:

— Դէ՛հ, դուք էլ ներեցէք նրանց, — խօսեց Նիկօլայը, — աղէտ ժողովուրդ է... ոչինչ չի հասկանում...

— Ցած իջէք կառքից և մտէք պանդոկը, — ասաց Պաւելը, — մենք փողը բերել ենք... մեր հողը ոչ մի կերպ չենք զիջանի Դէ՛լսկիին... որ մենանք էլ չենք տալ...

— Դէ՛ թող այդպէս լինի, — ասաց փաստաբանը՝ իջնելով կառքից, — միայն Նիկօլային յարգելով եմ ես կատարում ձեր խնդիրը:

Գիւղացիները քիչ էր մնացել ձեռքերի վրա տանէին փաստաբանին ներս: Նրանք բոլորը սկսեցին միանդամից խօսել, այնպէս, որ ոչ մի բան չէր կարելի լսել կամ հասկանալ:

Կապրովսկին ինքն էլ այդ աղմուկից ու իրարանցումից շփոթուեց և չգիտէր ի՞նչ անէր կամ ի՞նչ պատասխանէր: Բարեբաղգաբար յանձնն Նիկօլայի, նա ունէր մի շատ լաւ օգնական... ձիշտն ասած, եթէ դա չինէր, միլեվացիները իսկի չէին էլ իմանայ փաստաբանի զցութիւնը և նոյն խոկչին էլ սկսի այդ գործը: Նիկօլայն էր զարթեցրել այդ խնդիրը և կապրովսկու համար ճանապարհ հարթել:

Հէնց որ փաստաբանը նստեց սեղանի ծայրին, Պաւելը ձեռքը կոխեց ծոցը և այնտեղէց հանեց մի կապոց փողը Մնացածները հետեւեցին նրա օրինա-

կին և շուտով սեղանի վրա պարզուեցին տասնեակ ձեռքեր, որոնք շպրտում էին թուղթ փողեր: Կապ-ըովակին արագ-արագ հաւաքում էր և բարձրաձայն համարում: Գիւղացիները ուշագրութեամբ լուս էին, ինչպէս նա, փոքր ինչ մրժնջալուց յետոյ, ինքն իրեն որոշակի արտասանում էր. «Հարիւր, երկու հարիւր, երեք հարիւր...»

Պանդոկի խորքում երեսում էր հրէայ պանդո-կապեաի շիկահեր զլուխը, որը բթի տակ ծիծա-ղում էր և հանգիստ սրտով սպասում ընդհանուր արբեցողութեան ժամին...

— Հինգ հարիւր, — ձայն տուեց փաստաբանը՝ վեր-ջացնելով համարելը և տեղից բարձրանալով՝ սկսեց խօսել: Նա արագ ու բարձր էր խօսում: Խօ-սում էր փետրուարի 19-ի հրովարտակի, դիւղական գործերի մասնաժողովների, խօսում էր պալատի, Սենատի և այլ զանազան ազատամիտ գործերի մա-սին ու միևնոյն ժամանակ ապացոյցներ բերում օրէնքներից:

Գիւղացիների բերանը ղարմացքից այնպէս էր բաց ֆացել, որ ձնձուկները կարող էին ազատ մուտք գործել այնտեղ: Երբեմն-երբեմն նրանք նա-յում էին իրար երեսին և ժապում: Դա արդէն ապացոյց էր, որ շատ բաւական էին փաստաբանի ժառանք:

— Եւ ի՞նչպէս խելօք է... Սողոմննն է էլի, — ասում էին նրանք:

Վերջապէս փաստաբանը վերջացրեց իւր խօս-քը (թէպէտ գիւղացիները հաղեւ խօսածի մի տա-

սերորդ մասը հասկացած լինէին) և սկսեց «մնաք բարեւ» ասել:

— Ողջ եղէք ընկերներս, — ասաց նա՝ գլխար-կը գնելով: Գիւղացիները պատկառանքով ձանա-պարհ բաց արին: Այդ բոպէին մի անկիւնից գուրս եկան Խրիստինան և իվանը, որոնք ամբողջ ժա-մանակ նստած էին այնտեղ: Նիկոլայը բռնեց Կապ-ըովսկու թեկից և նրա ականջին մի երկու խօսք փսփսաց: Փաստաբանը մուայլուեց: Նա ըստ երեց-թին անբաւական էր, որ իրեն ուշացնում են: Աւ-կայն Նիկոլայը իսկցն Խրիստինային և իվանին ներս կոխեց պանզոկապեաի սենեակը, ուրեւ մտցրեց յետոյ փաստաբանին, իսկ ինքը ֆնաց գուրսը և փակեց գուռը, որ ոչ ոք չյանդնի ներս մտնել:

Խնդրատուները այժմ գէմ առ գէմ էին փաս-տաբանի հետ: Իվանը, շնորհիւ երեկուանից նրա մէջ գէպի քեռին ծագած ատելութեանը, իրեն բա-ւականին ազատ և համարձակ էր պահում: Երկու՝ օր սրանից առաջ նա համարեա ընկերաբար էր խօ-սում Պաւելի հետ, որովհետեւ համոզուած չէր, թէ որն է նրանցից արդարը և որը մեղաւորը: Պա-ւելը իւր կողմից նոյնպէս ոխ չէր պահում զէպի նա: Բայց այսօր ամեն բան փոխուեց: Այսօր իւր անկիւնում նստած՝ նա թշնամական հայեացըներ էր նետում զէպի իւտանը...

Խրիստինան բոլորովին կորցրել էր իրեն: Ձեռ-քերը կրծքին ծալած և արտասուաթոր աչքերը փաս-տաբանին ուղղած՝ նա, համարեա հեկեկալով, սկսեց իւր խօսքը.

— ԶԵՐԴ պայծառափայլութիւն, ևս անբաղդ ձնուել եմ...

— Ես, ԶԵՐԴ պայծառափայլութիւն, իմ զործա էլ կպատմեմ, նրանն էլ,—սկսեց Իվանը՝ առաջ զալով և Խրիստինային յետ հրելով:

Խրիստինան վախենալով, որ Իվանը բոլորը սխալ-մխալ կպատմի և գրանով կվնասի իւր որդուն, ինքն էլ յետե հրեց նրան և շարունակեց ասելիքը.

— Քսան տարի որդիներիս մեծացրել եմ, պաս եմ պահել, բորիկ եմ ման եկել...

Իվանը նորից հրեց նրան.

— Խոնդրում եմ ի՞նձ լսեցէք, ի՞նձ... կնիկ է, նրանից ի՞նչ պէտք է հասկանաք...

Բայց այդ կնիկը նորից մի կողմը ձգեց Իվանին և շարունակեց.

— Նա այնպէս նիշար էր, թողլ ձնած օրից այդպէս էր. յետոյ էլ տենդը նորից վեց ամիս անկողին ձգեց նրան...

— Կինը խօսի՝ քամին վչե—մէկ է, — ասաց Իվանը, — դուք ի՞նձ լսեցէք...

— Զայնդ... մի՛ հածիր... — գոչեց Խրիստինան՝ յարձակուելով Իվանի վրա. — Երբ նա ծնուեց, կանայք ասում էին, որ իսկի երեք օր էլ չի ապրի... բայց չէ... կենդանի մնաց, մեծացաւ... գրել-կարդալ սովորեց... այնպէս քննուշ էր, նուրբ, քաղաքավարի...

Վերջ ՚ի վերջոյ բանը նրանով վերջացաւ, որ Իվանը սկսեց պատմել պառաւի զորձը: Խրիստի-

նան կանգնած էր նրա յետեր և՝ չեկեկալով՝ երբ-բժն-երբեմն աւելացնում էր իւր նկատողութիւնները: Իվանը աղատ, մանրամասն և շետեօղաբար պատմեց կապրովսկուն իւր զորձն էլ, նրա զորձն էլ:

Դրանից յետոյ, այդ երկու խնդրատուների ծոցից դուրս դալով փաստաբանի դրապանը անցան երկու կապոց արիւն քրափինքով աշխատած թուղթի վողեր... կապրովսկին, խոստանալով երկուսի էլ խնդիրը կատարել, կանչեց նիկօլային, խօսեց նրա յետ, առեց նրան ստացած փողերի մի մասը և դնաց:

Նիկօլայը, ագահաբար գրապանը կոխելով իւր բաժինը, մտաւ պանդոկը, որը լցուած էր ոգելեց խմիչքների շոգիով: Իրար չետ կռուող գիւղացիների ազմուկը բռնել էր ամբողջ խրձիթը:

Իվանը նցնապէս ցանկանում էր խմել բայց որովհետեւ չեար աւելորդ փող չէր վերցրել, ուստի և օղին ապառիկ պահանջեց, (որ երբէք չէր արել) և մի լաւ խմելուց յետոյ՝ սկսեց կռուել Պաւելի ու նրա երկու որդիների հետ: Պաւելը, բանի էութիւնը հասկանալով, սկսեց իւր իրաւունքները պաշտպանել. ներկայ եղողների մէջ ևս գտնուեցան պաշտպաններ— մի քանիսը Պաւելի կողմն էին, միւսները՝ Իվանի, որը արդէն սկսել էր հայհոյել հօրեղօրը:

Այդ միջոցին Խրիստինան վազէվազ շտապում էր առն: Նա այնպէս էր կարծում, թէ փաստաբանին փող տալով որդու զորձը գլուխ բերեց-վերջացրեց և ինքն էլ աղատուեց զանազան նո-

բանոր հոգսերից ու ըարչարանքներից: Նա կարծես
ջահելացել էր. երեսը կարմրատակել էր և աչքերը
վառվում էին նախկին երիտասարդական փայլով:

— Հը, ի՞նչ կայ... խեր լինի... — Հարցրեց Իվանի
հղե կինը՝ Հեղինէն:

Խրիստինան ուրախութիւնից փայլող դէմ-
քով նստեց նրա մօտ՝ յատակի վրա և սկսեց պատմել.

— Եատ լաւ մարդ է, ականաւոր, խելօք և հա-
րուստ, նա քաղաքում առաջին փաստաբանն է...
Խոստացաւ ազատել իմ Ֆիլիպիս... նա ծանօթ է
այն գնդի գեներալի հետ, ուր որդիս է ծառայում:
Խոստացաւ խօսել նրա հետ և խնդրել, որ Ֆիլի-
պիս ուրիշ գունդ տեղափոխ և այստեղ թողնէ...
Իսկ եթէ, ասում է, գեներալը չի համաձայնի, ևս
խնդիր կատամ դինուորական մինիստրին և քո որ-
դուդ չեն ուղարկի այնտեղ, ուր ցրտից մարդու կա-
շին տրաբ-տրաբ է գալիս...

Այդ բոլորը պատմելիս՝ նա ուրախ, զուարժ
ծիծաղում էր:

— Իսկ ի՞նչ ասաց նա Իվանին. — Հարցրեց Հե-
ղինէն:

— Նյոնպէս խոստացաւ... անպատճառ կխլեմ
— ասում է, — նրանից հողը:

— Փառք քեզ Աստուած, — խաչակնքեց Հեղինէն,
— իսկ ուր է Իվանը.

— Մնաց պանդոկում միլեվացի գիւղացինե-
րի հետ:

Այդ օրովէին դուռը բացուեց և ներս մտաւ
Անտօնը՝ նոր շորերը ու նոր կօշեկները հագին,

նոր գլխարկն էլ գլխին: Նա եկեղեցուց էր գալիս.
Խրիստինան ուրախ-ուրախ վաղեց նրա առաջ՝ ա-
սելով.

— Փրկեցի, փրկեցի՝ Ֆիլիպիս, փրկեցի քո թան-
կազին եղօրը:

Երիտասարդը սրտանց ուրախացաւ այդ լու-
րի վրա և ուտելու բան ուղեց: Ճաշի ժամանակ
էր, բայց այս անգամ ստիպուած էին առանց իվա-
նին ճաշելու: Նա երեկոյեան դէմ վերադարձաւ
առն բոլորովին հարբած: Կինը շատ զարմացաւ
այդ բանի վրա.

— Այդ ի՞նչ է պատահել դրան... Երբէք
այդպիսի բան չկ արել — ասաց նա և, փոքր
ինչ լուելուց յետոյ, աւելացրեց, — ասենք, ի՞նչ մի
զարմանալու բան է, եթէ տղամարդը տարենը մի
անգամ հարբի, մանաւանդ մի այնպիսի օր, երբ
կարող է նրա բաղըլը վճռուել:

Եւ Հեղինէն չքարկացաւ Իվանի վրա:

Ե

Երկու ամսից աւել էր անցել այն օրից, երբ
Կապրովսկին այցելեց Լեսնոյը և Միլեվոն: Երեկոյ էր:
Ամառնային փոշու խիտ սիւնակները բարձրացել
էին մի կողմից գիւղե և միւս կողմից ագարակի վրա:
Հնձուորները՝ սպիտակ շապիկները հագներին՝ վերա-
գառնում էին արօտատեղիներից: Նրանց գերանդի-
ները փայլում էին մայր մանող արեգակի վերջին ճա-
ռագայթների տակ: Հնձուորների յետելից լուսում

Էր փոցխող կանանց բարձրաձայն ծիծաղը: Դրանք բոլորն էլ միւլացի վարձկան գեղջկուհիներ էին, որոնք նիկօլայի խրճիթի մօտովը զնում էին Վոլ'կա՝ իրենց վարձը ստանալու: Բոլորն էլ ջահել աղջիկներ ու կանայք. ոտքերը բորիկ, դէմքերը արևակէզ, պարանոցները նցյնպէս, բայց զարդարուած ապակեայ ուլունքներով և կօրախներով: Տագներին ունէին հաստրակ շապիկներ և տանը կարովի շրջազգեստներ: Թուով մօտ երեսուն հոգի էին. բոլորն էլ բարձրահասակ, վայելակազմ և ձկուն: Խմբուած ընթանալով ձանապարհը՝ նրանք, ձայները զիւկիր դցած, մի ինչ որ միապազաղ զիւղական երգ էին երգում: Երբ հասան նիկօլայի խրճիթին, յանկարծ ընդհատեցին երգը և խմբովին արտասանեցին:

— Բարի երեկոյ, նիկօլայ ամի.

— Աստուծոյ բարին որդի՞քս, — պատասխանեց նրանց ծերունի զինուորը, որ նստած էր իւր խրճիթի առաջ՝ հողաժմբի վրա: Նա, մի արագ հայեացը ձգելով կանանց վրա՝ նրանց ետեսում նկատեց մի կին, որը գեռ չէր հասել խրճիթին: Այդ կինը ոչ երգում էր և ոչ էլ մնացածների պէս ուրախ ու զուարթ էր: Նա դալիս էր ծանրաքայլ մտազբաղ ու դլիսակոր:

— Խրիստինա, — ձայն տուեց նրան նիկօլայը: Փոցխող կանայք՝ հեռանալով խրճիթից՝ շարունակեցին իրենց ձանապարհը: Պառաւը կանդ առաւ նիկօլայի առաջ. սա անթարթ նայում էր նրան:

— Ի՞նչ ես մեռածի պէս մանդալիս. — Հարցրեց ծերունի զինուորը. — դու ինչի՞ չէիր երդում. դու էլ նրանց պէս կ'ուրախանացիր և աւելի կրացուէիր...

Խրիստինան շարժեց զլուխը և ձեռքը գրեց ծնոտին.

— Ո՞խ, նիկօլայ, նիկօլայ, — խօսեց նա, — միթէ երգ է զալիս իմ աչքիս... Ինձ՝ պառաւիս էր մնացել երգել... Երգը նրա համար լաւ է, ով ամուսին ունի, իւր սեփական խրճիթը ունի... իսկ ես, արդէն քսան տարի է, չեմ երգել... և եթէ երգել եմ, այն էլ իմ փոքրիկներիս կամ երբեմն էլ ուրիշն երեխաների համար քնի օրօր եմ ասել...

— Տարօրինակ կնիկ ես դու, — ասաց նիկօլայը: Բայց Խրիստինան մի անդամ որ սկսել էր, անընդհատ շարունակում էր իւր խօսքը.

— Ես թագն ու պսակի կարօտ եմ մնացել, ուրիշների պէս լաւ չեմ ապրել լաւ չեմ անցկացրել օրերս և նրանց պէս լաւ էլ չեմ մեռնի...

— Բաւական է, բաւական, — ընդհատեց նրա խօսքը նիկօլայը. — դու այն ասա՛, նորութիւն ցանկանում ես իմանալ... Սյսօր ես փաստաբանից նամակ ստացայ...

Պառաւը վայրկենաբար փոխարկուեց. Նա ուղղուեց, դէմքը կարմրեց, աչքերը վառուեցին.

Գրել. — բացականչեց նա. — ուրեմն ֆիլիպիս մասին էլ է դրել... Ասացէք, ասացէք, ի՞նչ է լինելու իմ թանկագին որդուս վիճակը.

— Ի՞նչ պէտք է լինի... լաւ կլինի... նա այս-
տեղ կմնայ և Միլեվո կ'ուղարկեն ձմեռելու:

Խրիստինայի փոյշը ձեռքից ընկաւ գետին.
Նա ուրախաճայն աղաղակներով յարձակուեց ծերու-
կի վրա և գրկեց նրան.

— Դէ՛հ, արի ու... այ ինչ կնշանակի կնի՛կ. միսի-
թարուեց՝ պրծաւ արդէն.—ասաց Նիկօլայը, աղա-
տուելով նրա գրկից.—դեռ սպասի՞ր... վճիռը դեռ
ստորագրուած չէ...

Ստորագրուած չէ,—կրկնեց պառաւը՝ ձգելով
Նիկօլայի վրա մի հարցական հայեացը:

— Գուցէ և վաղուց արդէն բոլորը վերջացած
լինէր, եթէ մի անպիտան սպայ չխանգարէր գոր-
ծը... Զի՞ թողնում... ի՞նչ պէտք է անես նրան: Ել
մի՛ հարցրու, թէ քանի անգամ փաստաբանը զնա-
ցել նրա մօտ և աղաչանք-պաղատանք արել... Նա
էլի իւր էշն է քշում... Զեմ թշլ տայ, —ա-
սում է, —թող գնայ—ասում է, —այնտեղ, ուր
նշանակուած է... Հօ իմ որդուս չեմ ուղարկելու—
ասում է, —նրա տեղը, որ սառչ ցրտից:— Լսում
ես... աշա այդ է գրում ինձ փաստաբանը:

— Խսկ գու դեռ ասում էիր, թէ լաւ կլինի.—
յանդիմանեց նրան Խրիստինան:

— Գուցէ և կլինի, եթէ գու կամենաս...

Այդ ասելով Նիկօլայը բարձրացրեց աջ ձեռ-
քը և խփեց ձախին: Պառաւը հասկացաւ այդ շար-
ժումը...

— Էլի՞ փող,—հարցրեց նա:

— Հապա գու ի՞նչ էիր կարծում, կնի՛կ, մի՞թէ

խսկապէս կարծում էիր, որ այդպիսի ահագին քա-
ղաքում, փաստաբան պան Պակրօվսկու նման մեծա-
տունը այդչափ մեծ գործը կարող է մի քանի
չնչին կոպէկներով կատարել: Զէ, շատ կլինէր...
Բաւական չէ դեռ, որ նա աշխատել է և ծախսեր
արել, այդ փողից նա, մինչև անգամ; իրեն հասանե-
լիք հինգ տոկոսն էլ դեռ չի վերցրել... Զէ՞ որ, ուր
էլ զնաս, ամեն տեղ փող է պէտք... Այս կառապա-
նին տուր, այս զրօշմանշի, այս բժշկից վկայական
ստանալու... Սրան տուեց... նրան տուեց... այդպի-
սով հարկւը մանէթը բոլորովին գնաց... Խսկ հիմա
ի՞նչ պէտք է անես այդ սպային... Կարելի է բանը
շնուր բայց գրա համար փող է պէտք... Թէ կտաս՝
լու, թէ չէ, թո ֆիլիպիդ կըշն այնաեղը ուր և ես
եմ եղել... Կպառի այնտեղ՝ հիւանդանոցում; երբ
գեղին տենդը կրոնի նրան, մարմինը գուրս կտայ
սիսեռի մեծութեամբ, ձեռքերը կփետանան, կարող
է պատահել որ ականջներն էլ նեխուեն... Դու կա-
րծում ես, չեմ տեսել այդպիսի բաներ... շատ եմ
տեսել... բոլորը տեսել եմ, բոլորը գիտեմ... Լաւ է,
որ կարողանայ դիմանալ եթէ չդիմացաւ—կմեռնի
և նրա ածիւնը կթաղեն օտար հողի տակ... Միայն
աղուաւները կկռկուն նրա գերեզմանի զլիին, խսկ
գու երբէք չես տեսնի այդ գերեզմանը, որովհետեւ
նա շատ հեռու է...

Խրիստինան կարծես քարացաւ տեղումը: Այդ-
պէս մօտ մի բոպէ կանդնելուց յետ, նա սկսեց խօ-
սել ինքն իրեն:

— Խե՞զ որդեակս... նա այնպէս զունատ էր,

թոյլ հիւանդոս, քնկուշ ու մեղմ, ինչպէս դառը...
Եթէ Անտօնը միշտ էլ չէր լսում խօսքիս, բայց
նա միշտ լսում էր... Յաճախ նա փաթաթւում էր
վզովս և ասում. մայրիկս, ես քեզ երբէք չեմ վե-
րաւորի. բո վեճակը առանց այն էլ դառն է... Նրա
աչիները այնպէս կապոյա էին, ինչպէս վուշի
ծաղիկները և թէպէտ նա թոյլ էր, բայց գարձեալ
չինարի պէս աճել, երկարել էր: Եւ ահա, նրան վե-
նուոր վերցրին... Երբ ես գնացի մօտը՝ զօրա-
նոց, նա ծունկ չոքեց առաջս, և սկսեց համբու-
րել ուսքերս... Ո՞խ, իմ սիրունիկ որդիկախս, իմ
արցունքներովս արբեցած զաւակս... ինչի համար
են քեզ խլում ինձանից և ուղարկում հեռաւոր եր-
կիրներ...

Նիկօլայը կարծես չէր լսում նրա խօսքերը:
— Դէ՛հ, ինչպէս իմաննում ես, այնպէս արա,
— ասաց նա, — դա իմ գործս չէ:

Խրիստինան բարձրացրեց փոյխը և, զլուխ
տալով, կամենում էր գնալ բայց յանկարծ, կար-
ծես մի ինչ որ բան վճռելով, արտասանեց.

— Երբ է հարկաւոր փողը բերել...

— Երբ կամենում ես, — պատասխանեց ծերու-
կը կեղծ աշաճութեամբ, — փաստաբանի մօտ ծա-
ռայող աղան վաղը վերադառնալու է քաղաք:

— Դէ՛հ, ես էլ վաղը կդամ. մնաս բարե...

— Մնաս բարե:

Նիկօլայը մնաց մենակ. ձեռքերը ծալեց ծնկնե-
րին և ընկաւ մտածմունքի մշջ: Նա, երեք մէկն
սպասում էր, որովհետեւ անդադար ճանապարհին

էր նայում: Նրա համբերութիւնը վերջապէս պսա-
կուեց — խրճիթի առաջով մէկը սայլով խոտ էր տա-
նում: Սայլի վրա նստած մարդը բարեեց նրան:
— Ա՛, այդ գուշ իս իվան, — ձայն տուեց ծերուկը:
— Ես եմ, Նիկօլայ ամի'.

— Եթէ ժամանակ կ'ունենաս, այսօր արի մօ-
տը... շատ հարկաւոր բան կայ խօսելու... միայն
տնպատճառ այսօր:

— Լաւ, կգամ, — անվըգով պատասխանեց Իվանը:
Ժամանակը արդէն ուշ լինելով Իվանը մըտ-
քակեց ձիանը և առաջուանից աւելի արագութեամբ
քշեց գէպի ագարակը:

Նիկօլայը նրա համար էր ամբողջ օրը նստած
մարդ որսում, որովհետեւ Կապրովսկին՝ ուղարկե-
լով նրա մօտ իւր ծառային՝ պատուիրել էր, իւր
համար գիւղացիներից փող ժողովի, որքան կարող
է նրանցից գուրս կորզել:

Իվանը՝ խոտը սայլեց ցած թափելով, իսկոյն
գնաց Նիկօլայի մօտ: Թէ ինչ խօսեցին նրանք այն-
աելով շատ հեշտ է գուշակել միայն նա շուտով
վերադարձաւ տուն:

Երբ որ բոլորը վերջացրին ընթրիքը և երբ
Իվանը իւր կնոջ հետ պառկեց քնելու, Խրիստի-
նան և Անտօնը կամաց մտան փոքրիկ սենեակը:
Հէնց նոյնպէս, ինչպէս երեք ամիս սրանից առաջ,
Խրիստինան նստեց յատակի վրա, բաց արեց մնդու-
կը, հանեց գուլպան և սկսեց համարել թուղթ ու
մանը փողերը: Անտօնը ձրագը ձեռքին լցու էր ա-
նում գուլպայի միջին: Երբ որ մայրը մի կողմը

Դրեց մի որոշ գումար և փաթաթեց գուլպան, նաև
անվճռողաբար հարցրեց.

— Իսկ մնացածը իմ է.

— Քոնն է, որդեակս, քոնն է:

Սյդ ասելով և փողերը սեղմելով ձեռքի մէջ,
նա ընկաւ մտածմունքի տակ:

— Աչա, այս էլքեղ քահանայով խաչ ու խաչ
վառով թաղում.—Խօսում էր նա ինքն իրեն.—այս
էլքեղ գեղեցիկ դադաղ... զեղեցիկ, ներկուած խաչ
գերեզմանիս վրա... Շան նման ապրեցի, շան նման
էլքմաղեն... Ա-խ, Ֆիլիպ, Ֆիլիպ... Իմ ու օրուայ
համար էի պահել այդ փողը, գերեզմանիս ու նրա
վրայի խաչի համար. մտադիր էի դրանցով դէմ
մասսամբ ջնջել այն ամօթը ու դառնութիւնները,
որոնց ենթակայ եմ եղել ամբողջ կեանքում... բայց
Աստուած երեխ այդպէս կամեցաւ... Սիրով եմ
տալիս այս փողերը քեղ ազատելու համար, իմ ան-
դի՞ն զաւակս...

Երկու խոշոր արցունքներ զլորուեցին նրա աչ-
քերից և ընկան ձեռքին բռնած փողերի վրա...
Անտօնը, տեսնելով մօր դէմքի տխուր արտայա-
տութիւնը, ինքն էլ պատրաստ էր լայ լինելու,
սակայն, զարելով իրեն, ասաց.

— Բայց իմ փողերը, մայրիկ, չվերցնե՞ս...
թէկուզ հէնց ինչ էլ պատահելու լինի այնահղ,
զարձեալ մի վերցրու... Տերիք է, ինչ որ տուեցիր
Ֆիլիպին... թող ինձ համար էլ գոնէ մի քիչ մնայ...
չ որ ես էլք հարազատ զաւակն եմ... լսում
ես մայրիկ.

Խրիստինան նայեց որդու վրա և զարմացաւ:
Անտօնի աչքերը կրակի պէս վառւում էին.— այդ-
պէս երբէք նա չէր տեսել որդու աչքերը.— ձայնը
խոխուում էր.

— Անզի՞նս,—պատասխանեց մայրը.— զուք եր-
կուսդ էլ հաւասար էք ինձ համար. Ֆիլիպը ո՞րն է,
զու ո՞րն ես... ձեր երկուսի վրա էլ հաւասար աշխա-
տանք, չարչարանք եմ թափել, երկուսիդ էլ աչքիս
լոյսի պէս խնամել եմ... միայն նա այժմ աւելի դժբաղդ
է... Դու այստեղ ես՝ իմ մօտ և, փառք Աստուծոյ,
տոռող ու զուարթ ես, իսկ նա թոյլ է, հիւանդոս
և նրան կարող են ուղարկել այնպիսի տեղեր, ուր
գեղին տենդը մաշում է մարդկանց և ցրտից ա-
կանջներ են սառչում... Աչա, ինչի համար եմ ես
տալիս նրան, իւր փողն էլ ի ֆի էլ...

— Բայց իմիս ձեռք չոտաս... եթէ կտաս ես մին-
չև մահս այդ բանը չեմ ների քեզ... Ճշմարիտ,
չեմ ների...

— Զեմ տայ, որդեակ, չեմ տայ... միայն վերց-
րած կ'ուղարկեմ սպայի համար, որ նա ստորագրէ
թուղթը և Ֆիլիպիս Միլեվո ուղարկեն ձմե-
ռելու:

Միւս օրը՝ առաւօտեան Խրիստինան փողերը
տարաւ Նիկոլայի մօտ: Իվանը նոյնպէս, իւր գործին
արագ ընթացք տալու համար, աւելացրեց մի զայտ
տասնոյներ և փատաքանի ծառան վերադար-
ձաւ քաղաք: Կապրովսկին խիստ գոհ մնաց Նիկո-
լայից, որ նրան յաջողել է հարիւրից աւելի դուրս
կորզել:

Բայց դեռ երկու ամիս չէր անցել այդ գէտքից, երբ Նիկօլայը նորից սկսեց այցելել ծանօթ խրճիթները: Նա շրջեց ամբողջ Միլեվոն, և ամենից երկար խօսակցութիւն ունեցաւ Պաւելի հետ: Յետոյ պատահեց Իվանին, որ դաշտից սիսեռ էր տանում: Ծերուկը կանգնացրեց նրան և ականջումը մի ինչ որ բան փսփսաց այնպէս, որ յետելից բանուորները չստեցին: Վերջապէս նա գնաց դաշտը, ուր կանայք ու ցորէն էին հաւաքում: Այնտեղ նա երկար տեսակցութիւն ունեցաւ Խրիստինայի հետ և արդէն ուշ երեկոյեան դարձաւ տուն:

Եւ աշա, Խրիստինան կրկին վերադառնում է տուն Նիկօլայի տան մօտով: Համնելով խրճին, նա յիշեց ծերուկի այս օրուայ ասածը և սառսուռ անցաւ ամբողջ մարմնովը: Նա մահը աւելի շուտ կսպասէր, բան այն, ինչ որ լսեց Նիկօլայից: — Փող... էլի փող, այն էլ աւելի շատ: բոլորը, ինչ որ ունի-չունի և որքան կարող է ձեռք բերել: Եթէ ոչ և Ֆիլիպը, և մինչեւ այժմ առած փողերը զուր կորչեն: Երեք օրից յետոյ պէտք է վճռուի նրա բաղզը: Համառ սպան համաձայնուել է, բայց այժմ նոր փորձանք... Ինչ որ զինուորական քննիչներ են եկել և փչացրել բոլոր գործը. իսկ առանց նրանց համաձայնութեան ոչինչ չի կարելի անել... նրանք չեկած լինէին, ամեն բան վերջացած կլինէր... Փաստաբանը գրել է Նիկօլային, որ եթէ Խրիստինան համաձայն է փող տալու, նա կիսուէ քննիչների հետ, իսկ եթէ չի տայ, թող էլ իրենից անբաւա-

կան չի ֆայ... ինքը մեղաւոր չէ, որ քննիչներ են եկել և լուանում է իւր ձեռքերը... Այլ ես նա արդէն ոչ մի կերպ չէ կարող օգնել և իւր որդուն կ'ուղարկեն սառնամանիքի ու հիւանդութիւնների աշխարհը:

— Աստուած իմ, խղճա ինձ՝ թշուառիս.— մրժնջում էր Խրիստինան...

— Փող... որտեղից գտնեմ... Անդուկի եղած փողը լին չէ... Անտօնինն է... ինչի՞ համար ես զըկեմ նրան... չի որ նո էլ միւսի պէս իմ զաւակս է... Եթէ հէնց վերցնեմ էլ Անտօնը կբարկանայ և երբէք չի ների ինձ արածս... նո ինքը չո ասց... Որդիքս ինձ սիրում էին, լսում, բայց այժմ, այսպէս թէ այնպէս, ես երկար չեմ տեսնի Ֆիլիպին, եթէ Անտօնն էլ կբարկանայ վրաս և հաւատը կկորցնի, էլ ինչ մնում ինձ... վերջին արես կիսաւարի...

— Այսպէս էլ վատ է գուրս գալիս, այնպէս էլ վատ.— արտասանեց նա բարձրածայն, — ի՞նչ անեմ ես... Թէ խորհրդակցեմ մէկի հետ... Իվանը բարի մարդ է, բայց նա այնքան զիտէ, որքան և ես: Անտօնի հետ չի կարելի այդ մասին խօսել... Նա երբէք թոյլ չի տայ վերցնելու իւր փողը... Տէր Աստուած, մի կենդանի արարած էլ չկայ, որ մի խորհուրդ տար թշուառիս: Միլեվոյում ազգականներ ունիմ: բայց նրանցից ի՞նչ օգուտ... Բոլորն էլ երեսները գարձել են ինձանից, մոռացել են և ձանաչել էլ չեն կամնում: Մի խօսքով ոչ որ չունեմ; ոչ ոք...

— Աստուած իմ, խղճա ինձ՝ մեղաւորիս,—

աւելացրեց նա՝ արագայնելով քայլերը:—Գնամի
Վիշինսկու մօտ... ի՞նչ դուրս կդայ, նա էլ չե օղնի,
կրկին դուրս կ'անէ... Բայց, թէ կարողանայի էլի
փող ուղարկել, ֆիլիպը հաւանօրէն ամբողջ ծա-
ռայութիւնը իւր տեղումը կ'անէր, և նրան չեին
ուղարկի այնպիսի երկիրներ, ուր կատաղի ցրտերը
և զանազան հիւանդութիւններն են թագաւորում:

Եւ Խրիստինային թւում էր, որ որդու դու-
նատ ուրուականը կանչումէ նրան իւր մօտ, պար-
զում է դէպի նա աղերսալից իւր ձեռքերը և ա-
սում: մայրիկ, եթէ կամենաս, կարող ես փրկել
ինձ... Անտօնը առողջ է և ուժեղ նա ինքն էլ
կարող է փող աշխատել, իսկ ես ոչ ոյժ ունիմ, ոչ
առողջութիւն, ոչ էլ փող կը շն ինձ աշխարհի
ծայրը և այնտեղ կիորչեմ...

Պառաւը նստեց մի քարի վրա. ոտքերը յոգնած
էին և նա անկարող էր շարունակել ձանապարհ:

Մութն ընկնում էր արդէն. աստղերը փայլե-
ցին երկնքում: Սակայն Խրիստինան գեռ նստած՝
մտածում էր: Նրան թւում էր, որ որդին արդէն
ձանապարհ է ընկնում դէպի օտարութիւն և հրա-
ժեշտի ժամին յանդիմանում է իրեն. մայրիկ,
չիրկեցիր ինձ թշուառ որբուկիս... Աչա և ագ-
ռաւաները սաւառնում են նրա լերկ ու անխաչ գե-
րեղմանի վրա. նրանք մի ամբողջ երամ են... և
այնպէս չարագուշակ ձայնով են կոկոռում, որ կար-
ծես կամենում են գերեղմանը բանալ և կտցահա-
րել իւր որդու գիւակը...

Նա վեր թռաւ քարի վրայից.

—Ոչ—բացականչեց նա, —այդ չե՛ լինի... ին-
քըս կ'երթամ քաղաք, փաստաբանի ոտքերը կընկ-
նեմ և կիսնդրեմ, որ նա առած փողերովս բաւա-
կանանայ և, առանց նոր դումար պահանջելու, ա-
զատէ իմ ֆիլիպիս...

Այսօր նա լսեց, ինչպէս Պաւել Գողգավան ա-
սում էր մի ուրիշ զիւղացու, որ ինքը կէս զիշե-
րից յետ քաղաք է զնալու՝ փաստաբանի հետ խօսե-
լու... նա ասաց, որ ոտքով է գնալու. այժմ գաշտային
աշխատանքի ժամանակ է և ձին տանը հարկաւոր
է... Ինքն էլ դուրս կդայ ձանապարհ, կսպասէ Պա-
ւելին և միասին կ'երթան փաստաբանի մօտ...

—Բայց վերցնեմ հետս փող, թէ՛ չվերցնեմ...
լաւ է չվերցնեմ, բայց յամենայն դէպս, կարելի է
պէտք դայ...

Գիշերը, երբ արդէն բոլորը քնեցին, երբ Ան-
տօնն էլ գոշակի մէջ պինդ խրափում էր, Խրիստի-
նան իջաւ վառարանի վրայից և զգուշութեամբ՝
գողի նման՝ անցաւ փոքրիկ սենեակը: Նյոնպիսի
զգուշութեամբ բաց արեց սնգուկը, հանեց փողով
գուլպան, վերցրեց և, առանց բանալու, դրեց ծոցը:

Սրիւնը առւեց նրա զլուխը և ձեռքերը գո-
ղացին, երբ իւր սեփական սնկուկից գողացաւ Ան-
տօնին խոստացած փողերը: Նա երբէ՛ք իւր կեան-
քում բան չէր գողացել և այժմ թւում էր, որ կո-
ղապտում է իւր վերջին հարազատ որդուն:

—Աստուած ի՛մ, զթա ինձ մեղապարտի՛ս,—
մընջաց նա՝ գուրս գալով սենեակից:

Զ

Առաւոտեան՝ մօտ տասնումէկ ժամին կապրով-
սկու ընդունարանում բաղմաթիւ ժողովուրդ էր
հաւաքուել: Բոլորը սպասում էին նրա արթնա-
նալուն, որ հերթով կանչէր իրենց առանձնասենեա-
կը: Անկիւնում՝ մի աթոռի վրա նստած էր Պա-
տել Գողգավան, երկար բաճկոնը և նոր կօշիկները
հազին: Մորթէ գտակը ձեռքին բռնած՝ նա իւր ա-
լեոր զլուխը թեքել էր կրծքին. չէր հասկացւում,
մտածում էր, թէ ննջում: Պատելի և դռների միջև՝
պատին դէմ ընկած՝ կանգնած էր Խրիստինան: Նրա
զլուխը փաթաթած էր կարմիր չմի թաշկինակով,
կարճ դերիայի տակից երեւում էին կոպիտ և ան-
ձոռնի կօշիկները: Տասնշինդ տարի է, որ Խրիստի-
նան գործ էր ածում այդ կօշիկները՝ հագնելով միայն
բաղաքում կամ եկեղեցի գնալիս: Նարունակ մի ոտ-
քից միւսը փոխուելով, նա մեծ անշամբերութեամբ
սպասում էր իւր հերթին:

Կապրովսկու առանձնասենեակ մանողները կար-
ծես եկեղեցի էին մօնում: Հանգարտ, զգուշութեամբ:
Մինչև անգամ Գողգավան, որը իրքեւ զիւղացիների
պատգամաւոր, միքանի անգամ եղել էր կապրովսկու-
մօտ, նոյն իսկ նա էլ համեստութեամբ և երկիւ-
զածութեամբ կանդնեց գուան մօտ: Բայց Խրիստի-
նան այս անգամ ցոյց տուեց մի անսպասելի քա-
ջութիւն: Ներս մտնելով առանձնասենեակի շէմքից՝
նա, առանց քաշուելու, մօտեցաւ փաստաբանին,
ծունկ չոքեց և պինդ դրկեց նրա ոտքերը: Կապ-

րովսկին կամենում էր զուրս պրծնել բայց, ոտքե-
րը կապած մարդու պէս, միայն թէքուեց գէպի պա-
ռաւը: Խրիստինան բռնեց նրա ձեռքերը և սկսեց
համբուրել:

— Թո՞ղ, թո՞ղ, պէտք չէ. — Հեռացնում էր փաս-
տաբանը Խրիստինային: — ասա՛, ի՞նչ ես կամենում...

Կապրովսկին բարկութիւնից տրաքւում էր,
նա չղիւէր, ովէ իւր առաջ չոքածը: Ինչպէս երեսում
է, նա մոռացել էր այդ կնոջ խնդիրը և չժանաչց
նրան: Նիկօլայի միջոցով վարելով իւր գործերը՝
նա յաճախ չէր իմաննում, ի՞նչ եղանակով է այդ
մարդը զիւղացիներից փող դջում և ի՞նչ գործեր
ինքը պարտաւոր էր վարելու: Նա մութ կերպով
յիշում էր, որ մի ինչ որ կին խնդրել էր իր որ-
դու համար, որը զինուոր պէտք է լինէր... բայց
դուցէ դա նա չէ... Նա խոժոուեց գէմքը և կրկնեց
իւր հարցը:

— Ի՞նչ ես կամենում... ասա՛ շուտով...

Խրիստինան վեր բարձրացաւ և սկսեց բացա-
տրել...

— Ես եկել եմ ձեզ մօտ իմ ֆիլիպիս համար...
Լոյսը չբացուած էի եկել և կամենում էի տեսնուել
որդուս հետա... բայց յետոյ վախենալով որ գուցէ
չկարողանամ Ձեզ տեսնել, եկայ այստեղ և սպա-
սում էի...

— Դէ լաւ... բայց ինձանից ի՞նչ ես կամենում:
— Ես եկել իմ որդուս մասին...

— Վերջապէս ուր է նա՝ այդ քո որդիդ:

— Ո՞ւր պէտք է լինի, — հառաջելով պատաս-

խանեց պառաւը.—վերջին անգամ զօրանոցում տեսայ նրան... գունատ, շինելը հաղին... դուրս թռաւ սանգուխքների վրա, ընկաւ ոտքերս և բացականցոյ.—Մայրիկ, աղատիր ինձ... աշխատիր, որ ինձ այստեղ թողնեն:

Կապրովսկին ակսեց յիշել.

—Հենց իմանաս դա այն կինն է, որը խընդրում էր իւր զինուոր որդու համար.—մտածեց նա:

—Ես եկել եմ ձեղ մօտ.—շարունակեց Խրիստինան.—Նիկոլայը ինձ ասաց. պարօն փաստաբանի համար փող տար, և նա կ'օգնէ քեզ՝ աղատելու ֆիլիպիդ... Ես բերեցի առաջին անգամ ֆիլիպիս համար պահած փողերը... Յետոյ նա պատեց այն սպայի մասին, որը չէր համաձայնեւում թուղթը ստորագրել... Ես տուեցի նրան իմ փողերս, որը իմ ու օրուայ համար էի պահում; տուեցի, որ ուղարկէ ձեղ՝ սպային տալու... Եւ ինչպէս ուրախացաւ սիրտս, երբ Նիկոլայը ասաց, որ ֆիլիպը կմնայ այստեղ և նրան Սիլեվո կ'ուղարկեն ձեռը անցկացնելու:

Այժմ Կապրովսկին հասկացաւ բանի էութիւնը և ամբողջովին մտաբերեց այդ կնոջը: Նա կամենում էր ընդհատել զրա խօսքը, որպէս զի շուտով աղատուի, բայց կինը դարձեալ շարունակում էր.

—Այժմ ես, Զերդ պայծառափայլութիւն, եկել եմ իմանալու այդ քննիչների մասին... ի՞նչ անեմ ես նրանց... դուք աշխատեցէք, որ այդ քննիչները չուղարկեն իմ ֆիլիպիս...

Կապրովսկին նորից մնաց շուարած.—ի՞նչ քննիչների մասին է խօսում այդ կինը: Երեք նիկոլայը, ինչ հասնի, ասում է կնոջը վախեցնելու և նրանից փող դուրս կորզելու համար:

—Ո՞վ է ասել քեզ այդ քննիչների մասին.—Հարցրեց նա անհամբերութեամբ, որպէս զի խօսք դուրս քաշի Խրիստինայից:

—Նշյն Նիկոլայը... երեկ ասաց. «Փաստաբանը ինձ գրում է, որ գործը այսպիսի գրութեան մէջ է»: Ես մտածեցի, մտածեցի... ի՞նչ անեմ, ի՞նչ չանեմ... վերջը վճռեցի դալ և եկայ...

—Իսկ Նիկոլայը ասաց քեզ, որ փող է հարկաւոր.

Խրիստինան մինչև ոտքերը դլուխ խոնարհեց փաստաբանին և, ուղիղ աչքերին նայելով, գողդոցիւն ձայնով արտասանեց.

—Զերդ պայծառափայլութիւն, Ազնուածնունդ Պան, ողորմած եղէք դէպի ինձ. այս անգամ անփող արէք... Ինչ որ ունէի, բոլորը արգէն տուել եմ աղքատ կին եմ: Որտեղից գտնեմ:

—Նիկոլայը չասաց միթէ որքան և ինչի համար է հարկաւոր.—Հարցրեց Կապրովսկին՝ յօնքերը կիտած:

—Ասաց, բոլորը ասաց... բայց խղճացէք ինձ և մի կերպ վերջացրէք այդ քննիչների բանը... անփող վերջացրէք...

Փաստաբանը սառած մնաց տեղը և, ուղղելով նրան իւր գոռող հայեացը սառնութեամբ արտասանեց.

— Ասա ինձ, պատուելի բարեկամ, ես ի՞նչ եմ;
Աստուած եմ—Հա...»

— Ո՛չ...

— Իէշ, որ Աստուած չեմ, դու էլ ի՞նչպէս ես
ցանկանում, որ ես կարողանամ առանց փող որև
է գործ կատարել... Միրելիս, այս աշխարհում ա-
մեն բան փողեց է կախուած... առանց փողի մար-
դըն էլ ոչինչ՝ արժէ, նրա գործն էլ...

Պաւել Գողգավան այդ ամբողջ խօսակցու-
թեան ժամանակ շէմքում կանգնած՝ ուշադրու-
թեամբ լսում էր փաստաբանի ամեն մի խօսքը.
մէկ մէկ էլ շարժում էր զլուխը ու թեթե ժպտում:
Խրիստինան կանգնած էր, ինչպէս մի յանցաւոր
դատաստանի առաջ և չէր համարձակում նայել
խօսակցի վրա: Երբ փաստաբանը վերջացրեց իւր
ասելքը՝ պառաւը զիմեց նրան վերջին անգամ:

— Աղաջում եմ, ողօրմած եղէք և աղատեցէք
իմ ֆիլիպիս... ես փող չունեմ...

— Որ չունես, այստեղ դալու էլ կարիք չկար,
— բարկացած ասաց Կապրովսկին, — իմ ժամանակս
թանկ է, չեմ կարող քեզ հետ երկար խօսել. գնա
բանիդ, գէ, մարշ...

Խրիստինայի գէմքը մեռելի դոյն կտրեց. նա
վախեցաւ... փաստաբանը գուրս է անում իրեն...
իսկ իթէ դուրս է անում, — մտածեց նա. — ուրիշն
ոչինչ էլ չի շինի և այն ժամանակ ի՞նչ կլինի
Ֆիլիպիս գործը, ուր կմնան այն փողերը, որ ար-
դէն առեկը եմ...

Նա անգիտակցաբար բարձրացրեց ձեռքը գէ-

պի կուրծքը և շորի արանքից տարաւ ներս.
կարծես կամենում էր մի ինչ որ բան հանել ծոցից:
Բայց այդ ժամանակ յիշեց Անտօնին ու նրա
խօսքերը. «Եթէ կտաս, ես մինչեւ մահս չեմ ների
քեզ այդ բանը»: Նա շուռ եկաւ դէպի Պաւելը և
ձգեց նրա վրա մի յնորուած, աղերսալց հայեացը.
կարծես հարցնում էր նրանից.

— Ի՞նչ անեմ. դու տղամարդ ես, աւելի խե-
լօք ես, քան ես՝ յիմար կինս... խորհուրդ տուր...
օգնիր...

Գողգավան հասկացաւ այդ հայեացըի միտքը
և, մօտենալով Խրիստինային, սկսեց մի ինչ որ բան
փսփսալ նրա ականջին... «Միլեվօի զիւղացիները
քեզնից էլ շատ են առեկ և, եթէ հարկաւոր լի-
նի, էլի կտան. առանց դրան չ' կարելի...» Խրիս-
տինան լսում էր, սակայն տատանում էր. կարծես
մէկը բռնում էր նրա ձեռքից... Վերջապէս նա
վճռեց ու, մէջքով շուռ դալով դէպի փաստա-
բանը, ծոցից հանեց գուլպան, բաց արեց նրա
կապը, մօտեցաւ սեղանին և դուրս թափեց բոլոր
մանր փողերը. դրանք զբնդալով զլորուեցան թղթե-
րի վրա:

Կապը ովսկին ծիծաղեց.

— Եյ թէ փող է Հա. — բացականչեց նա. —
որտեղեց ես հաւաքել այդքան անպէտք բանե-
րը... Հա, Հա, Հա:

Սեղանի վրա թափուած փողերը պարզ ար-
տայայտում էին այդ կնոջ տխուր վիճակը. ար-
տայայտում էին նրա թափած անվերջ արիւնքը.

տինքը, մշտական կռացած մէջքը, բորիկ ուաքերը
և այլանդակուած ձեռքերը... Այն բոլորը, ինչ որ
բերել էր այժմ, քսան տարուայ դառն աշխատանքի
մացորդն էր. մի աշխատանք, որ նա կատարել էր
անընդհատ գիշեր-ցերեկ. ոչ տօն էր իմացել ոչ
լի օր...

Դէ՛չ, էլ ի՞նչ ես ուղում.—այժմ արդէն աւելի
քաղցրութեամբ հարցրեց կապրովսկին:

—Հը, հիմա քննիչները որդուս էլ չե՞ն ուղար-
կի ցուրտ երկիրներ:

—Զե՞ն ուղարկի, չե՞ն... հանգստացի՛ր և գնա՛
առւն...

—Ենորհակալ եմ, շնորհակալ թող Աստուած
վարձարէ ձեզ զրա փոխարէն... իսկ ես այլ ևս
չէմ ձանձրացնի ձեզ... Այժմ միայն կ'երթամ զօ-
րանոց՝ որդուս տեսնելու:

Կապրովսկին վեր թռաւ տեղեց.

—Մի՛ համարձակուիր գնալ այնտեղ այժմ
չի կարելի նրան տեսնել...

—Չե՛րդ պայծառափայլութիւն, ամենաողոր-
մած պարոն... թոյլ տուէք տեսնելու իմ որդուս...
գոնէ մի բոպէ...

Նա ընկաւ փաստաբանի ոտքերը և ոչ միայն
զրկում էր, այլ և համբուրում նրա ծնկները. բայց
կապրովսկին վճռողաբար պատասխանեց.

—Չի՛ կարելի, սիրելի՞ս, չի կարելի տեսնուել
որդուդ հետ... Նա այժմ հիւանդ է համար-
ում և գտնւում է այնպիսի մի տեղ, ուր ոչ ոքի
չեն թողնում... Եթէ կամենում ես, որ մեր ամբողջ

գործը զուր տեղը չի այսնայ, վերադարձի՛ր շուտով
տուն. այս բոպէիս գնա՛ տուն և ոչ ոքի մի՛ երեա,
հասկացանը...

Ինչպէս չհասկանար, երբ նա ոչ միայն ականջ-
ներով էր լսում, այլ և աչքով և ամբողջ մարմնով...
Ասածը պարզ էր. եթէ նա գնար, ամբողջ գործը
կիշանար...

—Ենորհակալ եմ,—ասաց նա հանդարտ,—ես
նրանից էլ գոհ եմ, որ գոնէ հանդիսաւ կվերագառ-
նամ տուն... միայն թէ սցդ քննիչները ոչինչ չ-
նէին և ֆիլեպիս ձմեռը Միլեվո թողնէին:

Նա վլուխ տուեց և գուրս եկաւ տուանձնա-
սենեակից:

Սեղանին մօտեցաւ Պաւել Գոզգավան: Կապ-
րովսկին մի առանձին յարգանք էր տածում դէպի
սցդ մարզը և շատ լաւ յիշում էր Միլեվոի գիւ-
ղացիների գործը: Դա առաջուանի պէս, մանր ու
արծաթ փողով վարձատրող որևէ է կին չէր, այլ
մի հարուստ մարդ:

Փաստաբանը հանեց արկղեց մի գրած թուղթ
և առաջարկեց նրան՝ լսել այն խնդիրը, որ մտադիր
էր տալ գատարանին՝ նրանց գործի մասին...

Բայց Պաւելը չկամեցաւ լսել:

—Ինչ խնդրին է վերաբերում, գուք գեռ ժա-
մանակ կ'ունենաք այն կարդալու... Ես ձեզ մօտ
ուրիշ գործի համար եմ եկել... խօսքս իմ եղօր-
որդի իվանի մասին է... Ինձ յայտնի է, որ գուք յան-
ձըն էք տաել՝ վարել նրա գործը և եկել եմ
խնդրելու, որ իմ օգտին տանէք այդ դատը...

Գիւղացու փայլուն աչքերը կանդ առան փառ
տարանի դէմքի վրա. Պաւելը ձեռքը տարաւ ծոցը.

— Դուք ինքներդ տապահիք. — շարունակեց նա,
— որ առանց փող մարդը միւնոյն է, ինչ որ ցան-
կապատի փթած սիւնը, որի վրա չի կարելի հե-
նուել... Այսպէս, թէ այնպէս նա փթած է, չի կա-
րելի նեցուկ տալ նրան. նա շարունակ մի կողմ
կթէքուի... Ահա, իվանը հէնց այդպիսի մի սիւ-
նակ է, որին չ'արժէ նեցուկ տալ...

Կապրովսկին նստեց բազկաթոռի վրա և, իբր
թէ հանաբով, ասաց.

— Դէհ, այդ այդպէս է, բայց դու շատ ես
բերել: Տեսնենք, որի՞դ կողմը կարելի է բռնել քո՞
թէ նրա...

Քառորդ ժամ՝ անցած՝ գոզգավան դուրս եկաւ
Կապրովսկու մօտից ուրախ և զոհ...

Խրիստինան արդէն քաղաքից գուրս էր: Երկու
վերստ անցնելուց յետոյ նրա ձանապարհը փոխ-
ուում էր: Դէպի գիւղը տանող ուղին ընկած էր
երկաթուղու գծերի միւս կողմը, ուստի և նա
ստիպուած էր անցնել այդ գծերի վրայից: Բայց
հէնց այդ ժամանակն էլ անցնելու էր գնացքը: Պա-
հապանը, տեսնելով կնոջը, ձայն տուեց նրան.

— Զի՞ կարելի...

Խրիստինան կանգ առաւ:

Անցարգելից մի քանի քայլ հեռու նա նստեց,
համեց բաճկոնի ծոցից մի կտոր սև հայ, յետոյ
բացարեց՝ թաշկինակի ծայրին կապած աղը, ցանեց

Հացի վրա և սկսեց ուտել: Նցն ըռպէին մօտե-
ցաւ մի ինչ որ մարդ և զիմեց պահապանին.

— Ինչի՞ է զրուած անցարգելը... չէ՞ որ հիմա
զնացը ժամանակ չէ...

— Այս ըռպէիս կ'անցնի զինուորական գնաց-
ըլը — պատասխանեց պահապանը, — նոր ընարուած
զինուորներ են տանում:

Խրիստինան ակամայ վեր բարձրացաւ տեղից.
կարծես նրա դէմքի բոլոր կնծիոները միանգամից
յնցուեցին և աւելի ևս սաստկացան... Յանկարծ
երեաց երկաթուղու սև ծխնելոյզը և օգի մէջ
հնչեց մի սուր շվիզ: Գնացը կարծես զծերի հետ
միասին էր ընթանում՝ առանց շարժելու անիւ-
ները... Սև, փակուած վազնների երկար շղթան
ոլանում էր առաջ, իբրև մի շարժուն, անանցանելի
պարիսպ: Փոքրիկ լուսամուտներից երեսում էին
բազմաթիւ դէմքեր, խուզուած վլուխներ. լսում
էր ուրախալից երգերի ձայներ, բայց այդ ուրա-
խութեան մէջ նոյն իսկ նկատելի էին տխուր, սիրտ
մորմոքող հնչելններ...

Ամեն բան մի անգամից կարծես յանկարծ աղմը-
կուեց, թնդաց, զոռզոռաց և սլացաւ առաջ:

Խրիստինայի սիրտը կարծես մէկը հուպ տուեց
երկաթէ ունելիքով: Նրա հոգին պաշարեց մի այնպի-
սի տխորութիւն, որ պատրաստ էր լայ լինելու:
Նրան թւում էր, թէ սև վազններից մէկից երեաց
ֆիլեպի դէմքը, այնպէս նիշար, տխուր... Բայց նա
համոզուած էր, որ ինքը սխալուել է, նա ֆիլեպը
չէր. փաստաբանը ինքն ասաց, որ նրա որդին թաղ-

ցրած է քննիչներից... Ուրեմն նոր զենուորները
գնացին, իսկ նա մնաց և էլ չի գնայ...

Եւ Խրիստինան հանդիսաւ սրտով շարունակեց
ձանապարհը:

Վ Ե Բ Զ Ա Բ Ա Ն

Երեկոյեան դէմ Խրիստինան արգէն տանն էր:
Նա բաժանեց մանուկներին պանդոկից գնած մի զրո-
շանոց խմորեղինները և սկսեց ընթրիք պատրաս-
տել: Նա այժմ ուրախ էր և դու՛ Աստուծուց, որ
ամեն բան վերջացած է. իւր ֆիլիպը մնացել է և
ինքը շուտով կտեսնի նրան... ծիշտ է, փողը բոլո-
րը գնաց և նա այժմ զգում է ծոցում, շապիկի
վրայից գտառարկ գուլպան, բայց դէ՛հ, գա՞ մի մեծ
դժբաղդութիւն չէ... Թէպէտ Անտօնը փոքր ինչ
կրարկանայ, բայց նա հօ՛ սուրբ դործ է կատարել
և աղատել է որդուն...

Իվանի հիւանդ կինը թոյլ ձայնով արտնջում
էր, որ մարդը այսբան ժամանակ ուշանում է:

Վերջինս իմացել էր, որ իւր հօրեղբայրը
դնացել է փաստաբանի մօտ՝ նրան իւր կողմը գրա-
ւելու: Ուստի և նա դեռ առաւտուանից գնաց
պանդոկը, որ հարցուփորձ անի այդ մասին գիւ-
ղացիներից և պանդոկապետից: Ճաշին նա տուն
գարձաւ փոքր ինչ հարբած և ամենախիստ խօս-
քերով սկսեց հայհոյել իւր քեռուն: Եթէ հեղի-
նէն իմանար, որ իւր ամուսինը կսկսէ այդպէս
ատել նրան և օղի խմել երբէ՛ք չէր խորհուրդ

տայ այդ դործը բաց անելու, բայց այժմ արգէն
ուշ էր: Նրանք արգէն շատ փող էին փչացրել զրա-
համար և թէպէտ այժմ էլ ստիպուած կլինեն
պարտք վերցնել, բայց, ինչ էլ լինի, անպատճառ
պէտք է խեն այդ հողը Պաւելի ձեռքից:

— Հապա ուր է իվանը, — հարցրեց Խրիստինան.
— Պանդոկումն է. եկաւ ձաշեց և նորից գնաց...

Ասաց, որ կսպասէ հօրեղբօր վերադարձին:

— Իսկ վերադառնալուց յետոյ ի՞նչ պիտի լինի...
Օ՛, իսկզ իմ զլուխ, — հառաջեց հեղինէն. — ես
պիտի մ... յայտնի բան է, հարբած մարդ է... վա-
խում եմ, որ մի փորձանք չըերի զլիին...

Յետոյ նա խոստովանուեց Խրիստինային, որ
ոչ միայն իւր օժիտն են ծախսել — պրծացրել Պա-
ւելի հետ սկսած գործի համար, այլ և իրենց հա-
ւաքած փողերը. այդ էլ չի բաւականացրել. հօրից
էլ ստիպուած են եղել պարտք վերցնել:

Հեղինէն խիստ վատ գրութեան մէջ էր. մի կող-
մից այդ փողերի վիճակն էր անհանգիստ անում
նրան, միւս կողմից էլ իվանը: Վախենում էր, որ
վերջինս հարբած ու կատաղած մի փորձանք չըե-
րի իւր զլուխը. բայց Խրիստինան հանգստացրեց
նրան:

— Փաստաբանը շատ լաւ մարդ է, — ասաց նա,
— նա իրեն թոյլ չի տայ Պաւելի կողմը անցնելու:
Եթէ մի անգամ յանձն է առել մէկի գործը վա-
րելու, էլ նրա ախոյեանի գործը յանձն չի առնի...
Եթէ խոստացել է, կկատարէ իւր խօսքը: Նա ինձ
էլ է խոստացել... Իսկ իվանը ի՞նչ է անելու որ

Պաւելին... նա քաղաքից իւր կնքահայր Պետրի
Հետ է զալիս, դեռ լոյս է, պանդոկը լիքն է մարդ-
կանցով... ոչինչ չի լինի...

Հեղինէն էլ փոքր ինչ հանգստացաւ.

Խրիստինան խոստացաւ Հեղինէին գնալ պան-
դոկ և իմանալ ի՞նչ են անում իվանն ու Պաւելը:
Նա արգէն պատրաստում էր գնալու, երբ դուռը
բացուեց և ներս մտաւ Անտօնը, ուսին բարձած
մի չետվերիկ ու ցորեն: Խրիստինան օդնեց նրան
տոպրակը ցած գնելու և համբուրեց նրա արեա-
կէղ ճակատը: Որդին փոխադարձաբար նոյնը արաւ:
— Տը, ի՞նչ նոր լուր, մայրիկ, ի՞նչպէս է Ֆի-
լիպը, առողջ է.

— Առողջ է, առողջ աղաւնեակս, — պատասխա-
նեց մայրը՝ ծիծաղելով և երեան հանելով իւր մի
շարք դեռ սպիտակ ատամները: — Նոր զինուորները
արդէն գնացին, իսկ նա մնաց... Փաստաբանը —
Աստուած նրան բարի առողջութիւն տայ — թաք-
ցրեց նրան քննիչներից... և շուտով ֆիլիպս Միլեվո
կգայ ձմեռելու:

Դէ՛հ, փառք Աստուծոյ... իսկ ես կարծում էի,
որ նա գնացել է:

— Ինչի՞ր այդպէս կարծում:

— Ահա քեզ համար նրանից նամակ կայ: —
պատասխանեց Անտօնը, հանելով ծոցից կեղառուած
ծրարը: — այսօր առաւօտ, ձեր գնալուց յետոյ, քա-
ղաքից վերադարձաւ Յակովը Շիլօն. նա տուեց ինձ
նամակը... « մօրդ վրա է » — ասաց, — ֆիլիպիցն է...
շատ կարեոր է...

Խրիստինան՝ տեղումը քարացածի պէս կանգ-
նած՝ շուռ-մուռ էր տալիս ձեռքի նամակը: Յե-
տոյ նա սթափուեց, քաշեց Անտօնի փեշեց և հե-
տը ուղեռուեց նիկոլայի մօտ, որը ամբողջ գիւղի
համարեա միակ նամակ կարգացողն էր: Ազարակից
փոքր ինչ հեռու, նրանց ականջին հասան սաս-
տիկ աղմուկի ձայներ, որ դալիս էին պանդոկի-
կողմից...

— Այդ ի՞նչ է պատահել այնտեղ — խօսեց Ան-
տօնը:

Նրանց առաջ՝ ագարակը տանող Ճանապար-
հը բռնած՝ դալիս էին մի խումբ մարդիկ: Մի քա-
նի ծանօթ բանուորներ ուժով թրե էին տա-
լիս մի մարդու, որը ընդդիմանում էր նրանց և
աղաղակներ բարձրացնում: Նա չէր ցանկանում
գնալ: Դա իվանն էր. հարբած, դէմքը ամբողջովին
արիւնաշաղախ, տեղ-տեղ էլ կապտած հարուածնե-
րից, բաճկոնը ու շապիկը պատառուած... Նա ա-
մենակեղոսա խօսքերով հայհայում էր մէկին: Աչ-
քերը ուռած էին ու կարմրած, իսկ շըթունքները
պատած էր լերդացած արիւնով ու փրփուրով:
Նրան տանող բանուորները նոյնպէս աղաղակում
էին, բայց նա բոլորից շատ էր զոռում: Ո՞վ կ'ասէր,
որ այդ հարբածը այն համեստ, խաղաղ ու օրի-
նակելի իվանն էր:

Համենելով այդ խմբին՝ Անտօնը դիմեց բանու-
որներից մէկին:

— Ի՞նչ է պատահել.

— Ե՛հ, յարձակուեց իւր հօրեղայր Պաւելի

վրա և ծեծեց նրան, արիւնլուիկ արեց. նա էլ սրան
նշյնպէս... ստիպուած էինք ոստիկանութիւն կան-
չել...

— Այ քեզ բան,—ասաց Անտօնը՝ զարմացքից
բերանը բաց արած: Ո՞ւմ մաքով կ'անցնէր, որ
այդպիսի բարի մարդը կլսմի ու կծեծկուի... երեսւմ
է, շատ է ցանկանում Պատելի հողը ձեռք բերել:

Խրիստինան կանգ չառաւ. նա ուղիղ գնաց
Նիկոլայի տուն. Անտօնը խրճին շէմքին հա-
սաւ նրան:

Նիկոլայը իմանալով նրանց գալու պատճա-
ռը, հանեց մի հին պատռառուած ու իւղոտած ազօ-
թագրքի միջեց իւր ակնոցները, գրեց քթին և՝ նրս-
աելով պատռահնի տակ՝ սկսեց կարգալ նամակը՝
համարեա զիր կապելով.

« Սիրելի մայրիկ, այս նամակը ուղարկում եմ
քեզ Յակովը Շիլօի ձեռքով, որը ապրում է Միլե-
վյուում՝ Պաւելի տան մօտ: Եթէ, նամակս կարդա-
լուց յետոյ, անմիջապէս չե՞ս գալ մօտս, էլ երբէք,
չե՞ս տեսնի ինձ այս աշխարհում... Երեկ գնդապե-
տից հրաման եկաւ, որ վաղը բոլոր նոր զինուորնե-
րը գնան իրենց նշանակած տեղերը: Բոլորը միասին
չեն գնում, այլ վաշտ-վաշտ... Ամենից առաջ այն
վաշտն է գնալու, ուր ես եմ ծառայում... Ուրեմն
վաղը, մայրիկս, ես ուղեորւում եմ դէպի հեռաւոր
երկրներու...»

Մի խուլ հառաջանք դուրս թռաւ Խրիստի-
նայի կրծքից... Անտօնը բրդեց նրան արմանկով և
հանդարտ ասաց.

— Կամաց, մայրիկ, մի խանգարի՛ր, թող
կարդայ:

« Ընկերներս ինձ համովում են, որ չափում,
որովհետեւ գնացողը մենակ ես չեմ և գուցէ մի
ժամանակ վերադառնամ էլ... բայց ես չեմ կարող
չափուել, քանի որ ինձ թոյլ ու հիւանդ եմ զգում...
Մի ամբողջ ամիս հիւանդանոցում պառկելով՝
փոքր ինչ առողջացել էի, բայց այժմ վեշտն ու
տիրութիւնը ինձ աւելի են վատթարացրել: Կուրծ-
քըս և բոլոր ոսկրներս ցաւում են... Եթէ կամե-
նում ես մի անգամ էլ տեսնել ինձ այս աշխարհում,
շուտով արի... թոյլ տուր, որ ես էլ վերջին ան-
գամ տեսնեմ քեզ... Միրելի մայրիկս, խնդրում եմ
ինձ խոստացած փողից էլ մի հինգ ոռուլի բերես
չետք: Դոնէ մի-մի ժամանակ հնարաւորութիւն
կ'ունենամ ինձ համար ծխախոտ զնել և կօշիկ կա-
րել տալ: Ինքս, ինչպէս զիտես, չեմ կարող կարել,
իսկ ձրի ոչ ոք չկարի... Դէ՛հ, ուրեմն արի և բե՛ր
չետք փողը, որովհետեւ վաղը գնում եմ: Իսկ առ-
այժմ բարեկիր Անտօնին, Խվանին և նրա կնոջը,
Պաւելին, Նիկոլային, Յակովը Շիլօին և մացած-
ներին...»

Նիկոլայը վերջացրեց ընթերցանութիւնը և
նամակը բոնած ձեռքը վայր թողեց ծնկան վրա:
Այդ բոպէին լսուեց մի սարսափելի աղաղակ և
Խրիստինան հնած հասկի նման գլորուեց գետին:
Նա երկու ձեռքով ամուր բռնել էր գլուխը ու
վշտալի հառաջանքներ էր արձակում:

Ո՛հ, Աստուած, Աստուած...

Այդ բացականչութիւնները այն աստիճան ցաւազին էին և սիրտ մորմռքող, որ մարդ կարծում էր, թէ նա խօշյն կմեռնի:

Այդ բոպէին նա ցնորուածի տպաւորութիւն էր զործում. աչքերի վայրի հայեցքը շարունակ թափառում էր այս ու այն կողմ, մազերը թափուել էին դէմքի վրա և կրծքի կոճակները բացուել: Այժմնա բոլորը հասկացաւ... հասկացաւ և այն, որ փաստաբանը խարեց իրեն, փողերը առաւ ձեռքից, որդուն չազատեց և նրան ուղարկեցին այն երկրները, որոնց նիկոլայը այնպիսի սարսափելի գյոներով էր նկարագրում:

— Ո՞ Աստուած իմ, Աստուած, —կրկնում էր նա:

Յիրաւի՛, նրա որդին ձանապարհ ընկաւ այն ժամանակ, երբ ինքը քաղաքումն էր և նրան չթողեցին, որ մի վերջին անգամ էլ տեսնի իւր ֆիլիպին: Որդուն տարան այն զնացքով, որը այնպիս արագ սլացաւ իւր առաջեց անցարգելի մօտով: Նա ախր տեսաւ ֆիլիպի դէմքը, բայց կարծեց, թէ աչքին երեաց...

— Ո՞ Աստուած իմ, Աստուած...

Նա զրել է. «մայրի՛կ, արի», և ինքը չգնաց Հրաժեշտ տալու, չզնաց օրհնելու նրա հեռաւոր ձանապարհը իւր մայրական ձեռքով... Մի քայլ էր միայն հեռու, բայց չկարողացաւ ոչ զրկել և ոչ համբուրել իւր թանկագին զաւակին:

— Ո՞ Աստուած... այդ ի՞նչ արեցի ես...

Դէ՛հ, հերի՛ք է մայրի՛կ, հերի՛ք է, — հանդրատացնում էր Անտօնը՝ կոացած մօր առաջ:

Նրա աչքերն էլ լցուել էին արտասուքով. նա նոյնպէս խղճում էր եղօրը, բայց աւելի ևս մօրն էր խղճում, այդ պատճառով և իւր կարողացածի չափ միսիթարում էր նրան.

— Դէ՛հ, սուս, մայրի՛կ, սուս, հերիք է... բաւական է...

Բայց Խրիստինան աւելի ևս բարձրացրեց ձայնը. նրա միտքն ընկաւ մի սարսափելի բան... նա վերկացաւ տեղից, չոքեց, բարձրացրեց ձեռքերը և, արտասուքն աչքերին, սկսեց աղաղակել:

— Ճիմա ի՞նչ ուղարկեմ նրան թշուառս, երբ բոլոր փողերը տուեցի փաստաբանին... Ուրտեղից գտնեմ ևս այդ հինգ ոսւբլին, քանի որ մի կոպէկ էլ չունեմ զրպանումս... մի սև կոպէկ էլ: Ո՞ հ, Աստուած, այդ ի՞նչ արեցի... գետինը պէտք է պատուիր, ինձ ներս տանէր, ոտքերս պէտք է կոտրուէին, որ ես չգնայի քաղաք և չտայի փողերը...

Ա՞խ իմ ֆիլիպս, իմ ծաղիկս, իմ աչքիս լոյսը, էլ ի՞նչ կ'ուղարկեմ քեզ.

Եւ Խրիստինան սկսեց բարձրաձայն հեկեկալ... Անտօնը նոյնպէս լալիս էր՝ կոացած մօր առաջ, և շարունակում էր միսիթարել.

— Բաւական է, մայրի՛կ, լաւ, բաւական է. Հերի՛ք է չարչարուես... վերցրու իմ փողից հինգ ոսւբլի և ուղարկի՛ր նրան... ես նրանից չեմ խնայի... լո՞ւմ ես, ի՞նչ եմ ասում...

Օ՞ այդ նա լաւ էր լսում, և հինգ դրա համար էր այդքան տանջւում ու արտասուք թափում:

Խըլիստինան բարձրացրեց. դէպի նա իւր արտասուալից աչքերը և խուլ ձայնով արտասանեց.

— Ո՞հ, որդեակա... ների՛ր ինձ թշուառիս...

ՀՀ որ ես քո փողերն էլ տուեցի... ո՞հ, ների՛ր ինձ, ների՛ր...

Անտօնը բարձրացաւ տեղից, ուղղուեց. աչքերի արտասուքները մի վայրկեանում ցամքեցին, դէմքը կարմրեց.

— Տուեցիր... ե՞րբ. — գոչեց նա.

— Այս առաւօտ... քաղաքում... փաստաբանին...

Տիրեց խուլ լռութեան ըոսէն. Անտօնի դէմքին երեւեցան բարկութեան նշաններ, աչքերը բոցավոռւեցին. նա յետ-յետ քաշուեց մօրից, սեղմեց բռունցըները և մի այնպիսի ձայնով գոռաց նրա վրա, որը Խըլիստինան երբէք չէր լսել:

Ա՞ա, — բացականչեց նա, — որ այդպէս է, էլ դու իմ մայրս չե՞ս. ես այդ բանը երբէք չեմ մռանայ...

Եւ նա՝ նստելով պատի տակը՝ ձեռքերը դրեց ծնոտին ու սկսեց բարձրաձայն հեկեկալ.

— Բոլորը նրան, բոլորը նրան, իսկ ինձ — ոչինչ... կարծես ես իրա զաւակը չինեմ... ինչով է նա ինձնից լաւ... թէ ես նրա պէս հնապանդ չեմ եղել... նրանից պակաս եմ ես յարգել քեզ...

Այդպիսի ծանր նախատինքներ ուղղելով մօրը, նա զարձաւ Նիկօլային և սկսեց նրան պատմել որ միլեվացի զիւղացի կամենում էր տալ նրան իւր միակ Մարիաննա աղջիկը, մի երիտա-

սարդ, գեղեցիկ, բարի և անտես օրիորդ... Մի տարուց հարսանիքը կլինէր և նա կ'ունենար իւր տուն-տեղը...

— Իսկ այժմ ով կվերցնի ինձ անփող. և ով կդայ ինձ... Եւ ի՞նչպէս եմ ես խնդրել որ չտայ: Զէ, տուել էս... Մի ասա, ինչի՞ համար գու իմ բաղդիս առաջը քար ձգեցիր... ի՞նչ վատութիւն եմ արել քեզ... ինչով եմ ես ֆիլիպից վատ...

Եւ նա նորից սկսեց լալ.

Խըլիստինան չոքէոք մօտեցաւ. Անտօնի նըստած թախտին:

Նրա սիրտը միջից կէս էր լինում: մի կէսը ոլանում էր զնացածի ետեից, միւսը խզճում նրան, որին ինքն էր իւր ձեռքով զրկել: Մօտենալով Անտօնին՝ նա կամենում էր զրկել բայց որդին, զգալով մօր հպատօրութիւնը, վեր թռաւ թախտից:

Չնայելով զրան, Խըլիստինան նորից չոքէոք մօտեցաւ նրան և, ձեռքերը պարզած, սկսեց աղաչել.

Ների՛ր ինձ անզգամիս, մի բարկտնար վրաս, զաւակս... ՀՀ որ գու այժմ միակն ես մնացել... Էլ ով կմսիթարէ ինձ, կթեթեւացնէ վիշտս...

Բայց Անտօնը անողոքելի էր և գուցէ նա կրկին յետ մղէր մօրը, եթէ Նիկօլայը չվերկենար թախտից և վզակոթից բռնած՝ գուրս չվռնդէր նրան:

Խըլիստինայի փողերը, 'ի հարկէ, զուր տեղը կորան, ինչպէս և կորան միլեվացի զիւղացիների փողերը: Կորան նոյնպէս իվանի և Պաւել Գող-

Դավայի տուածները: Բոլորը, ինչ որ կարելի էր առնել այդ գիւղացիներից, Կապրովսկին առաւ, ինչպէս և առաւ ուրիշ շատ տեղերից... Մի խօսքով՝ իսեղձ ժողովրդի արիւնքրտինքով աշխատած կոպէկները մտան ուրիշե աշխատանքը հարստահարողե գրպանը:

Այդ բոլորը գեռ ոչինչ էր, եթէ բանը դրանով վերջանար, բայց դժբաղաբար այդ աշխատանքի կոպէկների հետ կորաւ և միաբանութիւնը գիւղացիների մէջ: Հողատէրերը յանդիմանում էին մէկ-մէկու, որ թոյլ առւեցին այդպէս անազնիւ կերպով խարելու իրենց կապրովսկու և Նիկոլայի նման զանազան խորամանկ անձնաւորութիւնների:

Բայց մի՞թէ քիչ են այդպիսի կապրովսկիներ և Նիկոլայներ մեր երկրում...

Իվանը թէև աղատուեց դատաստանից իւր հօրեղբօրը ծեծելու համար, բայց այնուշետև երբէք չկարողացաւ զրաւել Պաւելի համակրութիւնը, ևս առաւել նրա ընկերութիւնը: Պաւելը նրա համար օտարից էլ վատ դարձաւ:

Անտօնը թողեց մօրը և բանուոր վարձուեց ուրիշ կալուածքում: Թշուառ Խրիստինան, ծերութեան հաստկում մնաց մեն-մենակ:


Իսկ ի՞նչ վիճակուեց նրան, որը այդ բոլորի սկզբնապատճառն էր դարձել—կհարցնէ ընթերցողը:
Ոչինչ.

Միլեվօի գիւղացիները կամենում էին դատի կանչել նրան, բայց երբ պահանջեցին զրաւոր ապացոյցներ, նրանք ոչինչ չկարողացան տալ:

Կապրովսկին հեռացաւ այդ քաղաքից, որպէս զե մի ուրիշ տեղ սկսի նոր խարեբայութիւններ, նա այնպէս գնաց, որ ոչ ոք չ'իմացաւ և երբ սկսեցին փնտրել նա արդէն չքացել էր:

Նուտով, նրա փախուստից յետոյ, Նիկոլային գտան անտառում սպանուած. նրա դիմակից երկում էր, որ վրէժ հանողները յիրաւի, շատ խիստ կերպով էին վրէժինդիր եղել—նա ամբողջովին վիրաւորուած և այլանդակուած էր... Դատաստանական հետախուզութիւնները ոչ մի հետեւանք չ'ունեցան, ամբողջ գիւղը լուսում էր. միայն նկատելի էր, որ գիւղացիներից ամեն մէկը արժանի էր համարում նրան այդ վարձատրութեան և ափսոսում, որ նրա կողքին չձգուեց և փաստաբան կապրովսկու դիմակը:





ԼՈՅԱ ԵՆ ՏԵՍԵԼ

ԺԻՎՈՏՈՎՍԿԻ.—Տաքութիւն և օդ. պատկերներով. 1895 թ. գին է **12 գ.**
ԷԼԻԶԱ ՕՐԺԵՑԿՈ.—Գիւղական փաստաբանը. 1896 թ. գին է **20 գ.**

ՄԱՄՈՒԼԻ ՏԱԿ ԵՆ

ԲԵՐՆՇՏԵՅՆ.—Ծաղիկ և պտուղ.
Է. ՕՐԺԵՑԿՈ.—Կախարդը.

ՊԱՏՐԱՍ ԵՆ ՏՊԱԳՐՈՒԹԵԱՆ ՀԱՄԱՐ

Սպարտակ.
Անձրի և Ճիւն.



Դիմում Ս.-Պետերբուրգ, Միլյոննայ улица, домъ № 29 քв. 19.

I. Միջնորդական.

ՀՀ Ազգային գրադարան



NL0327543

16.223

